



13
1789
1





門 48  
號 1789  
卷 1

13  
1789  
1-12

乾隆戊申年鐫

事物異名錄

本衙藏板





序  
 甫東臯夫主發獻其書來與十  
 事物異名錄四十卷慈谿厲明府  
 靜菴先生原輯  
 晉軒學使關前輩增纂而釐訂之  
 者也四明古歡堂本乾隆四十一  
 年丙申會刻於江南望江縣署按



厲自叙稱  
學使遊其門性嗜書所藏多善本  
相與比勘蒐輯又爲增所未備分  
類別部想見晨夕雞窗極觀摩之  
盛事洎歲丁未督學莅粵  
尊甫東臯先生遂攜其書來粵士

爭先快靚請開雕以廣其傳時  
學使按臨潮州毅會以臺灣滋事  
送兵駐潮得展卷卒業隨事隨物  
沿流討源標名某某新異可喜且  
是編採擇宏富區別精審真兩賢  
相得益彰也謹弁數語答粵人之



請竝以得讀異書爲嶺表諸生慶  
焉  
乾隆戊申春正月兩廣總督兵部  
尚書館後進孫士毅拜題



荃自髫齡時從學族兄映川兄爲姚江毛氏作節壽序  
中有請於兄公之句不識兄公何謂質之兄兄曰婦人  
謂夫之兄曰兄公出爾雅退而購其書讀之見事物各  
有異名心竊喜之欲類編成帙以備省覽苦於家貧無  
書不能遍覽而博採焉迨後館於杭城關氏關子東臯  
性嗜書日與書賈相往來經史而外得所未見書甚夥  
晨夕披覽隨手摘錄積有十年而橐本盈篋中矣甲戌  
北上畱都六年除舊存橐本外又得續錄數本然皆隨  
見隨錄都無倫次己卯南歸關子東臯復命子槐晉軒  
從予遊晉軒幼慧讀書一目數行下博聞強記性亦嗜  
書所藏尤多善本因出舊存及續錄橐本相與比勘蒐



事物異名錄  
輯荃既刪其重出晉軒又爲增所未備分類別部凡三  
易橐而書粗成癸巳出宰大雷兒子觀生仝姪之鏘攜  
其書來署請捐廉以付梓人竊念餽飭之學無關實際  
況書囊無底挂漏尚多何敢藉此自衒類宋人之寶燕  
玉耶然又思士人讀書遇著作家舉一異名而茫然不  
知爲何物媿鄙之譏大雅所弗尚且與良友雞窗風雨  
積二十餘年讐訂之功則亦不忍沒也始從其請而爲  
之敘其巔末如此乾隆四十一年九月旣望慈谿屬荃  
靜菴甫序

事物異名錄凡例

一是書編次之法以天地人物爲序故首以乾象歲  
時次以坤輿郡邑又次以形貌倫屬而三才立矣  
有人卽有貴賤高下故爵位品術次之治人莫要  
於禮樂故禮制音樂次之由是而有政治有人事  
皆因人而見者也且人必有養身之資故次以宮  
室飲食服飾又必有利用之具故次以舟車耕織  
漁獵器用其稽古讀書之人則有文事有武備故  
書籍文具武器又次之若物之尤切於人者爲衣  
食故次以蔬穀布帛推之珍於人者爲珍寶適於  
人者爲玩戲而人一生之事備矣故以年齒殿其



後此外則附以釋道神鬼然後及於物類至物之  
有贊於天地之功而足以衛人之生者莫過於藥  
材故以藥材繼焉種植則有草木花果飛走則有  
禽獸鱗介則有水族蠕蠢則有昆蟲凡三十九部  
共四十卷

一每部事物繁多者則分部上部下為兩卷簡少者  
則并兩部為一卷酌繁簡以定卷帙使篇頁無太  
多太少之嫌

一每部先以正名為目次標異名下引書以實之其  
常例也惟郡邑部之州邑甚多不勝分列故即隸  
於各府直隸州之後而以今名為主又擇一異名

註於其下非若輿圖地志沿革悉載必取乎詳盡  
也

一每部各有統屬其有不能另列一部而又無可統  
屬者則於近似之部附之如匠具雜具之附於漁  
獵部即於其部下註明附某

一每部所列事物先敘大槩異名次則分析其類如  
日後附以夏日冬日月後附以月光缺月之類祇  
一條者則直註某某有數條者則標以下某槩之  
一凡附見事物各從其類故目下不另標出其有可  
以類從而又不得混其類者則於目下先註附某  
又有類本從同而實非一類且無他類可歸者祇



於本條下註一附字

- 一事物有種類甚多者則但揭一總目其後各條分註如宮室部之官廨百草部之水草香草奇草惡草及藥材部但分草木果穀之類不復每條分目以省簡帙
- 一有本非是事是物異名因經書所載經前人借用者如友于非兄弟而即謂兄弟渭陽非舅氏而即謂舅氏諸如此類並採入
- 一有本非是事是物異名因前人比喻所及後遂以爲典者如乾象部之朱丸謂日金盆謂月倫屬部之靈椿謂父仙桂謂子之類既有成說並宜採入

- 一異名祇取是事是物之總者錄之至其種類不一名稱各殊如牡丹菊花之類各有專書不復縷述惟於種類中又有異名者間登一一
- 一異名並見經書者必爲詳列如爾雅之歲陽歲陰是已若其他雖有成說未經前人引用者不妨從畧如占書一雞二犬之類惟雞日見呂本中元日詩採入餘不並列
- 一異名有習熟共知者不復濫登如天名穹蒼蒼昊之類又有名極鄙俚而稱有由來不嫌並列以誌所自
- 一有物本一類而或別其部者如草木蔬穀之類不



盡列於本部而另列藥材一部以其物取資於醫藥者多故也

一有本一物而目重見如梅桃梨桂之類或載於木或載於花或載於果以取主不同故也其有名不多見者不復另列即附載於一處如樹木部之松花名松黃即載於松果部之橘樹名讓木即載於橘之類皆是

一有一名而事物相同者既載於此復載於彼以備考覽惟於最後一條之下註明某亦名某其或前已連類論及後不復註如霜名青女又霜神名脾名黃庭又脾神名之類是也

一有兩名同出一書而彼此分載者既詳於前自可從畧於後第於其下註明詳見前某以識之如卷帙甚近者則註見上二字俾閱者易於檢查

一有一名而兩書互異者則先引一書必兼及他書作某以別之其有字音不同者亦照此疏明

一所以引諸書首以經史子集次以道釋經典而以詞賦詩歌居其後然有不能拘其次者蓋以名有根由則因此以及彼庶使條貫分明如是者則以所得之名爲次不復論書之先後

一所以引諸書不著姓名從簡也其有必著姓名者如焦氏易林呂氏春秋及謝靈運晉書陳祥道禮書



事物異名錄  
之類至於詞賦詩歌姓名悉載毋使混淆  
一所引諸書有連及數名者其中或因熟習易知或因參錯互見且有名不甚雅者開刪一二然不標其名而仍存其說以備參考  
一所引諸書有本名與異名並著者毋庸重述其但有異名而無本名者則用按某謂某以明之  
一所採諸名或有不甚明晰者及眾說紛紜終歸無定者則稍參以愚見用按以辨論之非敢臆斷仍俟質正

事物異名錄總目

卷一

乾象部

卷二

歲時部

卷三

坤輿部

卷四

郡邑部上

卷五

郡邑部下

事物異名錄

總目



卷六

形貌部

卷七

倫屬部

卷八

爵位部

卷九

品術部

卷十

禮制部

卷十一

雜錄

音樂部

卷十二

政治部

卷十三

人事部

卷十四

宮室部

卷十五

飲食部

卷十六

服飾部

事物異名錄

總目

七



卷十七

舟車部

卷十八

耕織部

漁獵部

卷十九

器用部

卷二十

書籍部

卷二十一

文具部

卷二十二

武器部

卷二十三

蔬穀部上

卷二十四

蔬穀部下

卷二十五

布帛部

珍寶部

卷二十六

玩戲部



年齒部

卷二十七

佛釋部

仙道部

卷二十八

神鬼部

卷二十九

藥材部上

卷三十

藥材部下

卷三十一

百草部

卷三十二

樹木部

卷三十三

花卉部

卷三十四

果蔬部

卷三十五

禽鳥部上

卷三十六

禽鳥部下



卷三十七

獸畜部

卷三十八

水族部

卷三十九

昆蟲部上

卷四十

昆蟲部下

卷三十七	獸畜部
卷三十八	水族部
卷三十九	昆蟲部上
卷四十	昆蟲部下



事物異名錄卷一

慈絜 厲靜菴先生荅 原輯

仁和 關晉軒先生槐 增纂

乾象部

天

圓象 禮記孔穎達序上法圓象下參方載

泰元 漢書禮樂志惟泰元尊師古註泰元天也

太皓 後漢書太皓悅和註太皓天也

上靈 晉書樂志我其夙夜祇事上靈

穹靈 北史魏明帝紀穹靈降祐麟趾眾繁

上玄 隋書高帝紀受命上玄廓清區宇



碧落 宋史樂志炎精之神飛駢碧落山堂肆考碧落

天也

真宰 莊子若有真宰而特不得朕

太空 關尹子一運之象周乎太空

祆 說文關中謂天為祆

青丙 周髀算經上天名青丙

祁連 提婆 椒園記匈奴呼天為祁連西域曰提婆

蔚藍 老學菴筆記蔚藍乃隱語天名非可以義理解

也

碧翁翁 清異錄晉出帝不善詩時為俳諧語詠天詩

曰高平上監碧翁翁

大鈞 正字通大鈞天也賈誼傳大鈞播物

大高 上高 正字通天曰大高淮南子汜論饗大高

者而彘為上牲又陳書世祖詔昭事上高

靈曜 蔡邕陳太邱碑苞靈曜之純註靈曜天也

圓精 顏延年元后哀策圓精初爍註圓精天也

青冥 楚辭據青冥而攄虹註青冥天也

大園 束皙補亡詩恢恢大園呂尚註大園天也

圓靈 謝莊月賦圓靈水鏡李善註圓靈天也

園宰 唐祀園邱樂章有赫園宰深仁曲成按園宰謂

天也

紫冥 李白詩駕鴻凌紫冥



日

陽精 春秋日有食之疏日者陽精

大明 禮記大明生於東註大明日也又木華海賦大

明撫轡於金樞之穴註大明月也

東君 漢書郊祀志晉巫祀東君師古註東君日也

九陽 後漢書仲長統傳沈瀼當餐九陽代燭註九陽

日也

鬱儀 大洞經日一名鬱儀又雞跡集鬱儀又名鬱華

奔日之仙

陽鳥 朱光 朱明 廣雅日一名陽鳥一名朱光

一名朱明又陽鳥或曰陽鴉或曰陽羽

織鳥 侯鯖錄東坡嘗言鬼詩織鳥西飛客還家織鳥

日也往來如梭之織

金鑼 清異錄開元時高太素製銘曰日日金鑼

翔陽 山堂肆考日日翔陽言日中有鳥故曰翔

太陽 正字通日為太陽詩匪陽不晞毛傳日也

轡景 謝華啟秀註轡景日也道藏歌轡景落滄溟本

淮南子懸車息馬之說

濯耀羅 圓光蔚 眇景皇 九曜生 大明 圓明

微元 紫曜明 圓珠 始暉 雲笈七籤九天真

人呼日為濯耀羅三天真人呼為圓光蔚太素天中

呼為眇景皇上清真人呼為九曜生泰清天中仙人



呼為大明太極天中呼為圓明玉賢天中呼為微元

東華真人呼為紫曜明亦名圓珠亦謂始暉

圓羅耀 山堂肆考真誥方諸山真人呼日為圓羅耀

天陽 法苑珠林日為天陽

曜靈 潘岳歸田賦曜靈俄景註曜靈日也

扶光

謝莊月賦擅扶光於東沼註扶光扶桑之光謂

日也

利眼 陸士衡演連珠利眼臨雲不能垂照呂尚註利

眼日也天以日為利眼 大素建論曰日日金輪

離光 顏延之範連珠魯陽傾首離光為之反舍

朱羲 郭璞遊仙詩朱羲將由白

羲陽 羲車 陸雲詩羲陽趣駕又虞世南詩長漢轉

義車

金烏 金鴉 康孟詩金烏升曉氣又韓愈詩金鴉既

騰翥

黃金輪 劉禹錫詩赤波千萬里湧出黃金輪

丹砂丸 白居易詩西北日落時夕暉紅團團千里翠

屏外走下丹砂丸

頽玉盤 李賀詩誰揭頽玉盤東方發紅照又蔣防日

初出賦名赤玉盤

朱丸 華應昌和長吉樂詞朱丸何速金盆遲按朱丸

謂日金盆謂月也



暖紅 皮日休詩婆娑愛暖紅按暖紅謂日也

紅鏡 李賀詩炎炎紅鏡東方開

烏焰 羅鄴詩烏焰纔沈桂魄生

銅鉦 蘇軾詩樹頭初日掛銅鉦又范成大詩

昱昱金鉦上

烏輪 袁桷詩烏輪海觀升

火繖 火輪 古今類傳燄日燒雲火正由來張火繖

又韓愈詩火輪初出客心驚 夏日

黃綿襖 金鶴林玉露何斯舉云雨雪連旬忽爾開霽翁

媪相呼賀曰黃綿襖子出矣 冬日

睨日 表異錄莊子曰方中方睨行義云日斜如人睨

日楊用脩詩渴虹下飲玉池水睨日橫分蒼嶺霞 斜

傾羲 謝惠連詩傾羲無兩旦 落日

白駒 名義考曰景謂之白駒 日景

炊累 莊子從容無爲而萬物炊累按炊累即日中微

塵也 以下日中塵

陽燄 野馬 庶物異名疏龍樹大士曰日光着微塵

風吹之野中轉名之謂陽燄愚夫見之謂之野馬

夜光 皇甫謐年歷月羣陰之宗光內日影以霄曜名

日夜光

結璘 大洞經月一名結璘又雞跣集結璘奔月之仙



廣寒 龍城錄開元六年上皇與申天師同遊月中見  
一大宮府榜曰廣寒清虛之府

銀燭 山堂肆考月號為銀燭

千里燭 清異錄道士王致一曰我平生不肯使一文

油錢在家則為扇子燈出路則為千里燭意其為月

也

幽陽 丹鉛錄陳子昂詩云幽陽始化昇月本陰也而

謂之幽陽三五陽也而平明已缺

丹輪 卓氏藻林丹輪月也六朝詩丹輪殊未圓

樞光 謝華啟秀註樞光月也見海賦大明撫轡於金

樞之穴

素舒 淵鑑類函素舒月名也

水鏡 謝莊月賦圓靈水鏡

若英 謝莊月賦嗣若英於西冥註若英若木之英謂

月也

望舒 張協詩望舒三五圓又淮南子月御曰望舒亦

曰織阿

娥輪 許敬宗七夕宴元圃詩娥輪泛淺滿

鏡輪 駱賓王詩月滿鏡輪圓

金環 杜甫詩落月墮金環

白玉盤 李白詩小時不識月呼作白玉盤

冰鑑 王輪 兔輪 元稹月詩絳河水鑑朗黃道玉



輪巍又西瞻若木兔輪低

清涼宮 柳宗元詩路遠清涼宮註指月也

爛銀盤 虛仝月階詩爛銀盤從海底出

水晶毬 姚合對月詩一片黑雲何處起皂羅籠却水

晶毬

桂輪 桂魄 羅隱詩嫦娥老大應惆悵泣倚蒼蒼桂

一輪又羅鄴詩烏焰纔沉桂魄生

珠輪 劉兼詩月沉江底珠輪淨

寶鏡 曹希孟新月詩誰家寶鏡新磨出

蟾盤 曹松詩共看蟾盤上海涯

瑤輪 章碣對月詩瑤輪正輾丹青上銀箭休催皓露

疑

素丸 王中立中秋詩素丸東溟來飛上玻璃盆

金盆 華應昌和長吉樂詞朱丸何迤金盆遲

金餅 蘇舜欽對月詩雲間灑灑開金餅

金丸 蘇軾見月寄子由詩浮雲卷盡流金丸

銀丸 陸師道待月詩畫鷁翩翩凌廣寒俯看碧浪躍

銀丸

冰輪 陸游月夜詩炯炯冰輪升

金鏡 晁无咎詠月詞碧海飛金鏡

金盤 范成大詩金盤湧海

銀蟾 玉蟾 素蟾 圓蟾 靈蟾 清蟾 明蟾



張翥仙娥玩月圖詩洗空碧海銀蟾冷方寸中秋月  
詩涼宵烟靄外三五玉蟾秋韓琦秋夕詩雲疎點素  
蟾又秋分詩坐看圓蟾逼麗譙梅堯臣詩靈蟾已墮  
西范成大七月十四日詩先借清蟾一夜寒劉基十  
六夜月詩深秋白露洗明蟾

晶餅 陳維崧詞半規晶餅慢瀉流光漸暎素堯綠茗

金輪 趙鼎詞誰喚金輪湧海不帶一雲浮

晶盤 龔鼎孳中秋得南鴻詞小宇鴛鴦顛倒認憑仗

晶盤凝碧

金波 漢書郊祀志月穆穆兮金波師古註月光穆穆  
若金之波流也 月光

玉鈎 鮑照詩始出西南樓纖纖如玉鈎又劉媛詩仙  
宮雲箔捲露出玉簾鈎 以下缺月

玉弓 明弓 李賀詩曉月當簾掛玉弓又蟾蜍碾玉  
掛明弓

卻月 山堂肆考半月曰卻月

端正月 事文類聚前輩名中秋月為端正月昌黎月  
詩三五端正月今夜出東溟 中秋月

歸月 山堂肆考落月曰歸月 落月

逡巡 丹鉛錄月暈謂之逡巡 月暈

玉李 金樓子星懸玉李 星



屑金 清異錄韓彥卿謂星屑金

付泥 日本寄語星曰付泥

白榆 古樂府天上何所有歷歷種白榆按白榆謂星也

銀礫 白居易詩稀星點銀礫

泰階 漢書東方朔傳願陳泰階六符以觀天變註泰階三台也天之三階也三台

北辰 爾雅北極謂之北辰疏極中也辰時也居天之中人望之在北因名北極斗杓所建以正四時故云

北辰 以下北極

天杠轂 隋書天文志北極為天杠轂

曜魄 尚書大傳北辰謂之曜魄

老人星 弧南 晉書天文志老人星曰南極一名弧南 以下南極

壽昌 淵鑑類函壽昌老人星也一作壽星

帝車 天車 漢書天文志斗為帝車又晉書作天車運於中央臨制四海故名 以下北斗

天罡 參同契天罡即北斗也又丹鉛錄作天綱

處士星 晉書謝敷傳少微一名處士星 少微星對謂

歲星 重星 應星 廣雅歲星木宿謂之重星或謂

應星又天官占木星一曰攝提一曰重華一曰經星一曰紀星 以下木星



善星 表異錄杜牧孫子註云歲為善星不福無道

環樞 關兵 荆州星占攝提一名環樞一名關兵 附

提

熒惑 罰星 執法 廣雅熒惑火宿謂之罰星或謂

執法 火星

鎮星 地侯 廣雅鎮星土宿謂之地侯 以下土星

信星 漢書鎮星為信星

太白 長庚 太囂 廣雅太白金宿謂之長庚或謂

太囂 以下金星

明星 啟明 爾雅明星謂之啟明註太白星也晨見

東方為啟明昏見西方為太白

大爽 史記天官書註太白一名大爽

長麗 漢書禮樂志長麗前挾光耀明孟康註長麗長

庚星也

辰星 鈎星 爨星 伺星 廣雅辰星水宿謂之鈎

星又張衡云辰星一曰爨星一曰伺星 水星

天撩輻 隋書天文志二十八宿為天撩輻 二十八宿

天關 晉書天文志東方角宿二星為天關又荆州星

占北辰一名天關石氏星經牽牛一名天關 以下角星

棟星 博雅大角謂之棟星

疏廟 史記天官書亢為疏廟 以下亢星

天府 天庭 星經亢四星名天府一名天庭



壽星 爾雅壽星角亢也註數起角亢列宿之長故曰

壽又老人星亦曰壽星 角亢總名

天根 爾雅天根氏也註角亢下繫於氏若木之有根

以下

天符 星經氏一名天符

天駟 天廡 爾雅天駟房也註龍為天馬故房四星

謂之天駟又晉書天文志房亦曰天廡 以下房星

農祥 國語農祥晨正註農祥房星也

龍角 春秋運斗樞房為龍角

大火 大辰 爾雅大火謂之大辰註大火心也在中

最明故時候至焉疏辰時也 以心星

明堂 春秋佐助期心為明堂又晉書天文志房四星

為明堂

龍虢 國語日月會於龍虢賈逵註龍虢尾也 尾星

龍尾 爾雅箕斗之間漢津也註箕龍尾 以下箕星

敖客 史記天官書箕為敖客

天津 晉書天文志箕四星亦曰天津

金雞 天雞 易是類謀箕星名金雞又星經箕為天

雞

天口 詩汎歷樞箕為天口 之章半言今昧人仰牽

風伯 風師 淮南子高誘註風伯箕也又風俗通風

師箕星也



卷舌 荆州星占箕星一名卷舌

天機 星經斗六星狀如北斗亦曰天機 斗星

河鼓 擔鼓 爾雅河鼓謂之牽牛註今荆楚人呼牽

牛星為擔鼓擔者荷也又荆州星占河鼓一名三武

一名天鼓在牽牛北故或謂河鼓為牽牛 以下牛星

黃姑 墨莊漫錄黃姑乃河鼓牽牛之別名

天孫 須女 星經織女天孫也亦曰須女 以下女星

婺女 博雅須女謂之婺女

星紀 爾雅星紀斗牽牛也註牽牛斗者日月五星之

所終始故謂之星紀 斗牛總名

靈匹 謝惠連詠牛女詩雲漢有靈匹又焦氏類林謂

之雙星 牛女總名

元枵 北陸 爾雅元枵虛也北陸虛也疏以其色黑

而虛耗故名曰元枵又謂之北陸陸中也北方之宿

虛為中也 虛星

蓋屋 史記天官書危為蓋屋 危星

定 營室 詩定之方中鄭箋定星昏中而正於是可

以營制宮室故謂之營室 以下室星

元宮 星經室曰營室石氏謂之元宮一曰清廟

豕韋 博雅營室謂之豕韋

結喻 丹鉛錄營室星一名結喻之宿

文府 陳祥道禮書天文東壁為文府 壁星



娥觜口 爾雅娥觜之口營室東壁也註營室東壁星四方似口因名云 室壁總名

封豕 史記天官書奎為封豕又漢書作封豨 以下奎星

武庫 陳祥道禮書西奎為武庫

聚眾 史記天官書婁為聚眾 婁星

降婁 爾雅降婁奎婁也疏降下也奎為溝瀆故稱降

奎婁總名

天倉 史記天官書胃為天倉 胃星

大梁 西陸 旄頭 爾雅大梁昴也西陸昴也註昴

西方之宿別名旄頭 以下昴星

留 史記律書北至於留留者言陽氣之稽留也註留

即昴也

嶽事 後漢天文志昴為嶽事

天耳 晉書天文志昴七星天耳也

濁 爾雅濁謂之畢註掩兔之畢或呼為濁因星形以

名 以下畢星

罕車 史記天官書畢曰罕車

天罔 後漢蘇竟傳畢為天罔

雨師 雲師 淮南子高誘註雨師畢也又西京賦註

雲師畢星也

罔車 張衡思立賦建罔車之幕幕兮註罔車畢星也

罰 史記律書註罰謂觜也又熒惑亦曰罰星 以下觜星



虎首 史記天官書黃龍爲虎首

伐 詩維參與昴註參伐也 以下參星

三星 詩三星在天傳三星參也又三星在戶註三星

心也按心星亦三故名

實沈 博雅參謂之實沈

狼 史記律書註狼謂井也 以下井星

玉羊 易是類謀狼星名玉羊

鶉首 博雅東井謂之鶉首

水衡 天皇會通井爲水衡

弧 史記律書註弧謂鬼也 以下鬼星

天目 晉書天文志輿鬼五星天目也主視明察女姦謀

天廟 博雅輿鬼謂之天廟

珠 鶉火 爾雅珠謂之柳柳鶉火也疏南方七宿共

爲朱鳥之形柳爲朱鳥之口故名珠鶉即朱鳥火屬

南方行因名爲鶉火 以下柳星

鳥注 史記天官書柳爲鳥注

鳥衡 史記天官書古於鳥衡註鳥衡柳星也

天廚 荊州星古柳爲天廚

員官 鳥頸合史記天官書七星頸爲員官註頸朱鳥

頸也員官龍喉也 以下星星

天都 史記正義七星爲頸一名天都

鳥嗉 史記天官書張素爲廚主觴客註素嗉也鳥張



嗉受食之處也 以下張星

鶉尾 博雅張謂之鶉尾

羽翮 史記天官書翼為羽翮 以下翼星

天倡 春秋合誠圖翼為天倡

鳥駕 博雅軫謂之鳥駕 以下軫星

天車 荊州星占軫為天車又北斗亦名天車

顯星 漢書天文志景星顯星也 以下景星

德星 晉書天文志瑞星一曰景星或曰德星

約約 爾雅奔星為約約按奔星即流星也 以下流星

營頭 後漢蘇竟傳流星狀似蚩尤旗或曰營頭或曰

天天槍按晉書天文志天槍三星在北斗杓東一曰天

鉞是有定在非流星也別附於後

天使 晉書流星天使也

地雁 天雁 尚書考靈曜流星名地雁墜處兵起又

曰天雁

王弩 尚書帝命驗王弩驚天下註秦野有枉矢星形

似弩其星西流天下見之而驚呼

欖槍 字 爾雅彗星為欖槍註亦謂之字言其形字

字似掃帚 以下彗星

天杵 漢書天文志彗星為天杵

掃星 晉書天文志彗星所謂掃星也

獸鳴星 洞冥記武帝見彗星其夜野獸皆鳴別說謂



之獸鳴星

蚩尤旗 韻府羣玉彗星亦名蚩尤旗

天機 天槍 天楛 爾雅疏石氏天機天槍天楛與

彗異狀其災一也 附

天鉞 晉書天文志天槍一曰天鉞 天槍

覺星 晉書天文志天楛一名覺星王奮爭 天楛

天河

漢津 天漢 爾雅析木謂之津箕斗之間漢津也疏

箕斗之間是天漢之津劉炫謂天漢即天河也

天津 天江 晉書天文志天津一曰天漢一曰天江

又箕星亦名天津

天杭 太元經漢水羣飛蔽於天杭按天杭即天漢也

銀漢 雲漢 星漢 河漢 清漢 初學記天河謂

之天漢亦曰銀漢雲漢星漢河漢清漢

銀河 銀灣 銀浦 雞跖集許洞謂銀河為銀灣李

賀謂為銀浦

絳河 明河 銀潢 斜漢 金漢 星河 傾河

繩河 山堂肆考天河一名絳河曰明河曰銀河曰銀

潢曰斜漢曰金漢曰星河曰傾河言天漢將曉而斜

也曰繩河言如繩之直也

秋明大老 清異錄韓彥卿謂天河秋明大老

雲川 王微七襄怨詩玉飾渡雲川



華漢 宋書樂歌華漢浮天

漢渚 顏測七夕詩漢渚起遙光

星渚 蘇味道詩紆餘帶星渚

黃姑渚 杜甫詩星落黃姑渚註黃姑即河鼓也

銀渚 范成大詩趣駕星橋跨銀渚

風

天籟 莊子子綦曰女聞地籟而未聞天籟夫子游曰

敢問天籟子綦曰夫吹萬不同而使其自已也註風

吹萬物有聲曰籟

天帚 張養浩詩風揮天帚掃雲空

凱風 谷風 涼風 泰風 爾雅南風謂之凱風東

風謂之谷風北風謂之涼風西風謂之泰風 四方風

炎風 滔風 熏風 中巨風 凄風 颺風 厲風

寒風 立呂氏春秋何謂八風東北曰炎風東方曰滔風

東南曰熏風南方曰巨風西南曰凄風西方曰颺風

西北曰厲風北方曰寒風 八方風

穀風 詩習習谷風疏谷之言穀穀生也生長之風也

至菴傳其夕穀風迅疾師古曰即谷風 以下春時風

嬰兒風 兵書風從震來名嬰兒風

光風 初學記春晴日出而風曰光風

吹花劈柳風 風土記河朔春時疾風數日一作三日

乃止曰吹花劈柳風



羊角風 歲華紀麗春風曰羊角風又莊子註羊角旋風也

惠風 王羲之蘭亭序惠風和暢

輭風 溫庭筠詩輭風吹春星斗稀

鳥信風 麥信風 國史補江淮船汭流而上待東北

風謂之信風三月有鳥信風五月有麥信風以下夏時風

落梅風 風俗通五月有落梅風江淮以為信風

哭雨風 月令廣類黃梅時西南風急名曰哭雨風主

雨立至易過

舶趨風 東坡集吳中梅雨既過颯然清風彌旬潮人

謂之舶趨風

黃雀風 風土記南中六月則有東南長風俗號為黃

雀風

破帆風 田家五行夏秋之交大風及有海沙雲起謂

之風潮古人名之曰颶風航海之人又名之為破帆

風以下秋時風

鷹風 卓氏藻林鷹風秋風也古詩鷹風凋晚葉

閩風 張衡東京賦侯閩風而西遐註閩風秋風也又

鮑照詩作昌風

盲風 蔡邕月令章句仲秋白露節盲風至秦

人謂蓼風為盲風

裂葉風 洞冥記裂葉風八月風也



鯉魚風 提要錄鯉魚風九月風也

吼天氏 清異錄呂園貧秋深大風隣人朱錄事疊小

紙擲園前云吼天氏作孽示威於園

緒風 楚辭欵秋冬之緒風註緒餘也 以下冬時風

尖風 李商隱詩不覺逆尖風

翦翦風 韓偓詩側側輕寒翦翦風

醒骨真人 清異錄高太素制銘清風云醒骨真人清風

少女風 管輅列傳輅言樹上已有少女微風微風

闌風 山堂肆考風不巳曰闌風久風

焚輪 扶搖 爾雅焚輪謂之頽扶搖謂之焱疏暴風

與從上來降謂之頽頽下也暴風從下上升謂之焱焱

上也 以下狂風

扶風 淮南子疾風曰扶風

猗飄 表異錄猗飄惡風也

毗嵐風 隨藍風 翻譯名義毗嵐風亦名隨藍風此

云迅猛風

跋扈將軍 清異錄隋煬帝泛舟忽陰風頗緊嘆曰此

風可謂跋扈將軍

石尤風 江湖紀聞石氏女嫁為尤郎婦尤遠出不歸

妻憶之病臨亡嘆曰吾恨不能阻其行以至於此自

後商旅遠行值打頭逆風則曰此石尤風也 逆風

雲



山帶 張野廬山記廬山天將雨則有白雲或冠峯巖  
或亘中嶺謂之山帶

天公絮 清異錄雲者山川之氣今秦隴村民稱為天  
公絮

風花 楊慎外集雲如斑駁形舟人謂之風花見濟北  
集

妒羅綿 內典妒羅綿世界謂雲也言其色白而薄似  
羅與綿也作兜羅非

梢雲 孫氏瑞應圖梢雲瑞雲也人君德至則出若樹  
木梢梢然也 以下瑞雲

景雲 慶雲 卿雲 孫氏瑞應圖景雲太平之應也

薄言曰慶雲非氣非烟五色網縷按慶雲即卿雲也天  
官書非烟非雲郁郁紛紛是謂卿雲

龍潤 清異錄李煜作祈雨文曰尙乖龍潤之祥

清露 丹鉛錄貴竹名雨曰清露

奇水 清異錄雨無雲而降非龍而作號為奇水

滂沱 詩月離于畢俾滂沱矣註滂沱大雨也 大雨

霖霖 爾雅小雨謂之霖霖 以下小雨

濛濛 說文濛濛小雨也

廉纖 沈遼詩細雨廉纖隔碭山 以下細雨

凍雨 爾雅暴雨謂之凍雨註江東呼夏月暴雨為凍



雨 以下暴雨

陵雨 揚子法言震風陵雨然後知夏屋之幘幘註陵

淫雨暴雨也

淫雨 霖雨 爾雅久雨謂之淫淫謂之霖註雨自三

日已上謂霖 以下大雨

留客雨 焦氏易林陸機以三日雨為留客雨

靈雨 詩靈雨既零傳靈善零落也 以下時雨

膏雨 左傳如百穀之仰膏雨焉

甘雨 晉書束皙傳眾為作歌曰東先生通神明請天

三日甘雨零

歡喜雨 分別功德論雨和調者是歡喜雨

好雨 杜甫詩好雨知時節當春乃發生

瞋怒雨 分別功德論雨與雷電霹靂是瞋怒雨 雷雨

洗街雨 洗廚雨 田家五行二月八日俗謂張大帝

生日前後必有風雨號為請客風送客雨正日謂之

洗街雨初十謂之洗廚雨 以下春時雨

社翁雨 社公雨 提要錄社日有雨謂之社翁雨又

陸游詩幾點霏微社公雨

榆莢雨 汜勝之書三月榆莢雨高地疆土可種秫

潑火雨 退齋雅聞錄河朔人謂清明雨為潑火雨

杏花雨 提要錄杏花開時正值清明後必有雨謂之

杏花雨



隔轍雨 表異錄立夏雨為隔轍雨見退齋雅聞錄下

夏時

錦雨 陸機要覽夏雨名錦雨

迎梅雨 送梅雨 埤雅四五月間梅欲黃落鬱蒸成

雨謂之梅雨三月為迎梅五月為送梅

分龍雨 月令廣類五月二十六日雨為分龍雨閩俗

以夏至後為分龍雨

濯枝雨 風土記六月有大雨名濯枝雨

牛脊雨 董炳文詞六月天分牛脊雨

灑淚雨 洗車雨 荆楚歲時記七月六日有雨謂之

灑淚雨七日雨則云洗車雨一云六日為洗車雨七

日為灑淚雨以下秋時雨

豆花雨 荆楚歲時記里俗以八月雨為豆花雨

淋露雨 梁溪漫志吳中以八月露下而雨為淋露雨

簷天雨 月令廣類八月初三至二十三為簷天雨

黃雀雨 提要錄九月雨為黃雀雨

液雨 藥雨 荆楚歲時記十月內雨謂之液雨百蟲

飲此藏蟄俗呼為藥雨冬時雨

月額雨 金樓子月旦日雨為月額雨月旦雨

翔日雨 月令廣類上旬過月雨謂之翔日雨過月雨

騎月雨 陸游詩爽氣收回騎月雨註俗謂二十四五

間有雨往往輒成霖潦謂之騎月雨二十四五日雨



夜春 表異錄田家以晝晴夜雨為夜春

一拆雨 陳造房陵詩誰謂朝來一拆雨歡聲已覺沸

通衢註得雨曰一拆雨

得雨

爛雨 侯鯖錄同州謂霑足為爛雨

足雨

銀竹 李白詩白雨映寒山森森似銀竹按謂雨脚也

雨脚

露

陰液 蔡邕月令章句露者陰液也

教水 清異錄韓彥卿謂露教水

靈液 李正封露詩霏霏靈液重雲表無聲落

天酒 神異經王者施德惠則甘露降于草木一名天

酒一名仁澤 以下甘露

神漿 孫氏瑞應圖甘露者美露也其凝如脂其甘如

飴一名膏露或名神漿

雀餉 正字通杜鎬言甘露非瑞乃草木將枯精華頓

發於外謂之雀餉又曰露蜜

雷

天鼓 抱朴子雷天之鼓也雲仙雜記雷曰天鼓又河

鼓星亦名天鼓

連鼓 王充論衡畫工圖雷之狀如連鼓形梁簡文詩

時聞連鼓響

神斧 李晦菴詩誰將神斧破陰頑按神斧謂雷也



霆霓 震 爾雅疾雷為霆霓疏疾雷一名霆霓又名

震春秋震夷伯之廟謂劈歷破之是也 疾雷

驚世先生 清異錄驚世先生雷之聲也 以下雷聲

玉虎鳴 雞跖集河圖謂雷聲曰玉虎鳴

天聲 揚雄甘泉賦天聲起兮勇士厲註雷如天聲音

其大也

電

雷光 五經通義電謂之雷光

礖礖 春秋元命包註礖礖灼電之耀也

天笑 神仙傳天為之笑開口流光所以為電神異經

註今天下不雨而有電是天笑也

千里鏡 清異錄千里鏡電之形也

列缺 天閃 相如大人賦貫列缺之倒累兮註列缺

天閃也

霍閃 顧雲詩金蛇飛狀霍閃過白日倒掛銀繩長

銀索 銀繩 古詩鞭空銀索飛又銀繩見上

靈畢 離騷恐天時之代序兮耀靈畢而西征註靈畢

電光貌言速也 以下電光

紫金蛇 蘇軾詩電光時掣紫金蛇

躡躡 周禮眡祲掌十輝之法九曰躡註虹也

躡躡 爾雅躡躡虹也註俗名為美人虹江東呼雩又



蝶詩作蛺

天弓 帝弓 白虎通天弓虹也又謂之帝弓

旱龍 丹鉛總錄虹有形質俗謂之旱龍

氣母 清異錄虹曰氣母

天忌 表異錄虹又名天忌

鬻 農桑要覽虹俗名鬻東鬻晴西鬻雨

水椿 楊慎外集水虹漁人呼為水椿虹霓之短者沈

約所云雌霓漢書所謂屈虹也 水虹

挈貳 爾雅蜺為挈貳註霓雌虹也挈貳其別名 霓

析翳 尺子虹霓為析翳 以下虹霓總名

玉橋 皇明政要胡友信續虹霓詩句曰玉皇昨夜鑿

輿出萬里長空駕玉橋

霞

日精 十洲記霞者日精

霧

晦 爾雅霧謂之晦疏霧又名晦春秋僖十五年己卯

晦震夷伯之廟公羊穀梁皆云晦冥也是矣

地汁 五經通義陰亂則為霧從地汁也

迷空步障 清異錄博學記謂霧曰迷空步障又表異

錄作迷天步障

山巾子 包賀詩霧是山巾子

澇朝 陳造詩一杯要敵澇朝寒白註晨起霧久不開



房陵人目曰澇朝 久霧

霜

青女 嬾真子金陵詩云日高青女尚橫陳青女謂霜

也又淮南子謂青女霜神名

威屑 清異錄博學記謂霜為威屑

雪

凝雨 說文雪凝雨也

白鹽 世說謝安集兒女講論俄而驟雪公曰白雪紛

紛何所似兄子胡兒曰撒鹽空中差可擬白居易瓠

雪詩盈尺白鹽寒

瑞葉 冷齋詩話宋王綸女作雪詩曰何似月娥欺不

在亂飄瑞葉在人間父問瑞葉何出女曰天上有瑞

木花開六出也

五穀精 汜勝之書取雪汁漬原蠶矢五六月和穀種

之能禦旱故謂雪為五穀精

天公玉戲 清異錄比邱清傳與一客同入湖南客曰

凡雪仙人亦重之號天公玉戲

仙藻 張說和聖製喜雪詩欲驗豐年象飄然仙藻來

玉花 舒元興序玉花攬空

天花 張安國詠雪詞陰風慘淡天花落

祥英 璇花 徐彥信苑中遇雪詩六出祥英亂繞枝

又詩璇花入睿詞



玉霏 瓊絲 蘇軾雪詩晚雨纖纖變玉霏又詩枯松  
怪石亂瓊絲

玉鸞 辛棄疾吳江觀雪詞造化故豪縱千里玉鸞飛  
冷絮 唐小說詩輕瓊冷絮舞長空

玉塵 范成大雪霽詩鴉翻高樹玉塵傾  
剪水花 范成大春後微雪詩東君未破含春蕊青女

先飛剪水花  
銀粟 玉沙 楊萬里雪凍詩獨往獨來銀粟地一行  
一步玉沙聲

六出花 元好問詩天上休開六出花按草木花皆五  
出雪獨六出故名六出花

雨花 楊維禎雪詩龍噴雨花天作瑞

潤骨丹 清異錄高太素銘春雪云消除疫癘名潤骨

白丹 春雪 異錄關中雪曰白雨

三白 朝野僉載正月見三白田公笑嚇嚇又歐陽修  
詩定臘見三白按三白謂三次雪也 三次雪

霽雪 爾雅雨霓為霽雪霓霓冰雪雜下者謂之霽雪  
按霓即霰也霽字從音屑

花雪 宋書符瑞志霰為花雪 間警寒時霽雪

米雪 粒雪 詩補傳霰米雪又曰粒雪  
稷雪 說文霰稷雪也 閩俗謂之米雪今各處皆有







蘭時曰由堂肆考蘭時春時也

艷陽 清異錄偽閩中書吏韋添天字謎曰露頭添一

東日便是艷陽根按天字露頭添一日即成春字也

陽節 湛芳桂賦柯陽節之清淑

軟節 曹毗正朝詩靈春散初澤芬熅青陽舒軟節暢

大宇宙和風被八區

發生辰 曹松望九衢春色詩自茲憐萬物同入發生

辰

正月

月正 書月正元日傳月正正月也

三之日 詩三之日于耜傳三之日夏正月也

事物異名錄

正陽月 北史蕭吉傳正月是正陽之月

一月 唐書歷志建寅月為一月

三微月 白虎通正月為二微之月言陽氣未著為微

也

端月 江隣幾雜志王禹玉上言請以正月為端月正

音與上音相近也又陳隨隱漫錄秦始皇諱政改正

二月為端月

征月 野客叢書秦始皇諱政呼正月為征月又史記

年表作端月

初月 齊東野語王羲之父諱正故每書正月為初月

或作一月餘則以政字代之



孟陽 孟暉 暉月 山堂肆考正月曰孟陽孟暉又

曰暉月

開歲 發歲 獻歲 肇歲 芳歲 華歲 梁元帝

纂要正月曰開歲發歲獻歲肇歲芳歲華歲

三朝 三始 尚書大傳正旦為歲之朝月之朝日之

朝故曰三朝又漢書曰三始

三元 三朔 玉燭寶典元日曰三元亦曰三朔註三

元謂歲時月之元也三朔夏以平明為朔殷以雞鳴

為朔周以半夜為朔

四始 正義四始謂歲之始時之始月之始日之始也

上日 正朔 正日 玉燭寶典正月十日為元日亦

云上口亦云正朔又曰正月之朔是謂正日

端日 歲華紀麗元日為端日

雲開節 岳陽風土記岳州謂元日為雲開節

天臘節 道書正月一日為天臘節又曰天中節

雞日 東方朔占書歲後八日一日雞二日犬三日豕

四日羊五日牛六日馬七日人八日穀呂本中宜章

元日詩避地逢雞日傷時感雁臣

田本命 表異錄世謂正月三日為田本命浙西人謂

人之夏正三言夏正之三日也

開基節 道書正月初四日為開基節玉晨大道君登

玉霄宮四盼天下



靈辰 山堂肆考正月七日為人日又謂之靈辰以人為萬物之靈也 以下初七日

人勝節 荆楚歲時記人日翦綵為花勝或鏤金箔為人勝以相遺故唐人謂人日為人勝節

上元節 熙朝盛事正月十五日為上元節前後張燈五夜 以下十五日

元宵 東京夢華錄正月十五日元宵大內前絞縛山棚遊人集御街兩廊下歌舞百戲鱗鱗相切樂聲嘈

雜十餘里 西湖遊覽志俗子以上元為天官賜福之辰

天官賜福辰 西湖遊覽志俗子以上元為天官賜福之辰

耗磨日 月令廣類正月十六日俗謂之耗磨日 十六日

天穿日 拾遺記江東俗正月二十日為天穿日以紅縷繫煎餅置屋上名曰補天穿又謂之天饑日 以下二十日

秋收日 通書正月二十日為秋收日晴主秋成百果蕃盛

窮九 天中記池陽風俗正月二十九日謂之窮九掃除塵穢投之水中名曰送窮 二十九日

補天日 荆楚歲時記江南風俗謂正月三十日為補天日以紅絲縷繫煎餅置屋上謂之補天穿按拾遺

記以正月二十日為天穿日未知孰是 三十日



二月

如月 爾雅二月為如月海唐天寶八載如月甲午太

子生日帝製仁孝詩六章以賜之

四之日 詩四之日舉趾註二月則舉趾而耕

仲陽 令月 竹秋 山堂肆考二月曰仲陽曰令月

又為竹秋又廣韻藻謂竹秋三月也

麗月 蕭統二月啟花明麗月

酣春 李賀二月樂詞勞勞胡燕怨酣春

中和節 唐書李泌傳泌請以二月朔為中和節又吳

縝新唐書糾繆以三月二日為中和日 以下初一日

天正節 道書一月一日為天正節

踏青節 壺中贅錄蜀中風俗舊以二月二日為踏青

節 以下初二日

擡龍頭 宛署記燕都人呼二月二日為擡龍頭鄉民

用灰自門外蜈蚣布入宅廚繞水缸呼為引龍回

挑菜節 張耒集有二月二日挑菜節大雨不能出詩

芳春節 道經二月八日為芳春節玉晨大道君登玉

霄琳房四盼天下 初八日

真元節 宋史禮志政和三年以二月十五日太上混

元皇帝降聖日為真元節 以下十五日

花朝 提要錄唐以二月十五日為花朝又翰墨記洛

陽風俗以二月二日為花朝誠齋詩話東京二月十



二日曰花朝

花生日 韓渥詩每遇百花生日日未曾悽斷似今朝  
中春 徐凝二月十五日作長短一年相似夜中秋未  
必勝中春

三月

蠶月 詩蠶月條桑傳月令季春說養蠶之事

癩月 爾雅三月為癩

末春 梁元帝纂要三月曰末春晚春

櫻筍時 山堂肆考秦中謂三月為櫻筍時

鶯時 唐詩鶯時物色正徘徊按謂暮春時也

杪春 李端詩江上花開盡南行見杪春

炊熟日 歲時雜記冬至後百三為炊熟日以將禁火

先具饗殮也 寒食前一日

冷節 四民月令齊人呼寒食為冷節 以下寒食

禁烟節 杜詩註齊人呼寒食為禁烟節

熟食日 杜甫詩幾年逢寒食萬里逼清明註秦人呼

寒食為熟食日言其不動烟火預辦熟食物過節也

禁火天 張說詩禁火天時欲灑塵又詩從來禁火日

會接清明朝又李紳詩遠寺經過禁火辰

藏烟日 劉筠詩黍盤交薦藏烟日

小寒食 杜甫小寒食舟中作佳辰強飲食猶寒註謂

寒食前一日誤矣蓋寒食次日也禁火三日謂至後



一百四日五日六日乃知小寒食是六日總在三日内故云佳辰次日清明始有新火故食猶寒也寒食次日

大昕 月令廣類季春朔日曰大昕又明旦亦曰大昕初一

重三 野客叢書五月五日曰重五九月九日曰重九則三月三日亦宜曰重三 以下初三日

上巳 上除 元巳 山堂肆考三月建辰則己為除日故上巳一曰上除一曰元巳沈約宋書魏以後但用三月三日不復用巳

除巳 初巳 三巳 蔡邕禊文洋洋暮春厥日除巳陸機詩元吉隆初巳濯穢臨黃河沈佺期三月三日

侍宴詩九門馳道出三巳禊堂開

西州寒食 外國傳高昌國即西州也以三月九日為寒食節 初九日

夏 朱明 長羸 爾雅夏為朱明為長羸又日名朱明

炎節 梁元帝纂要夏曰炎夏亦曰炎節

槐序 山堂肆考夏曰槐序王晏詩槐序候方調

炎序 劉筠詩朱駕開炎序

四月 正月 詩正月繁霜箋夏之四月建巳之月疏謂之正月者以乾用事正純陽之月



余月 爾雅四月為余

乏月 四民月令四月是謂乏月冷穀既盡宿麥未登

陰月 西京雜記四月純陽疑於無陰故亦謂之陰月

麥秋月 蔡邕月令麥熟在孟夏故以孟夏為秋白樂

天詩洛下麥秋月

麥候 麥序 山堂肆考麥候四月節也謝朓詩麥候

始清和又隋煬帝書麥序氣清

正陽 傅元賦四月維夏運臻正陽又正月亦名正陽

月

清和月 白居易詩孟夏清和月又歲時記以四月朔

為清和節

浴佛日 佛運統志四月八日是浴佛日 初八日

地破日 登真隱訣四月十一地破日不可開山動土

十一日

法歲 荆楚歲時記四月十五日僧尼坐草為一歲謂

之法歲 十五日

浣花日 老學菴筆記四月十九日成都謂之浣花日

邀頭宴于杜子美草堂滄浪亭傾城皆出錦繡夾道

予屢赴此集未嘗不晴蜀人云雖戴白之老未嘗見

浣花日雨也 十九日

天休節 道書四月二十八日上元星官下降為天休

節二十八日



五月

臯月 爾雅五月為臯

惡月 南史王鎮惡傳鎮惡以五月生家人以俗忌欲令出繼疎宗祖猛曰昔孟嘗君以惡月生而相齊是兒亦將興吾門矣故名為鎮惡

小刑 淮南子陰生於午故五月為小刑

錢財日 神樞五月一日屬錢財宜進財勿出財以下

日

端一 武林舊事端午先期學士院供帖子禁中排當

例用朔日謂之端一

端二 端三 荆楚歲時記京師以五月二日為端二

三日為端三 初三三日

端四 荆楚歲時記四日為端四 以下初四日

重四節 溫州府志平陽江南五月四日做節謂之重四節

重午 宋史劉溫叟傳太宗在晉邸聞其清介遣吏遺錢五百千納貯廳西舍中令吏封署而去明年重午又送角黍統扇所遣即送錢者視西舍封識宛然以下

初五日

端五 珊瑚鉤詩話端午之號同於重九世以五字為午則誤矣

天中節 提要錄五月五日午時為天中節王曾帖子



明朝知是天中節旋刻菖蒲要辟邪

解粽節 荆楚歲時記京師以端午為解粽節

龍歌節 初學記龍歌令節蛟食芳辰按五月五日介

子作龍蛇之歌以感重耳又屈原死汨羅故云

地臘 道書五月五日為地臘

九毒日 三元延壽書五月初七為九毒日犯者不過

三年 初七日

寧貺節 玉海徽宗政和三年以五月十二日祭方邱

為寧貺節 十二日

龍生日 岳州風土記岳人五月十三謂之龍生日

十三日

竹醉日 竹迷日 仇池墨記五月十三日古人謂之

竹醉日又曰竹迷日是日移竹多茂盛又山家清事

以八月八日為竹醉竹迷

天地合日 天中記五月十六日道家以為天地合日

夫婦當異寢 十六日

分龍日 避暑錄話吳越之俗以五月二十日為分龍

日前此夏雨時行雨之所及必廣自分龍後則有及

有不及若有命而分之者也又圖經池州以二十九

日三十日為分龍遇雨至水灾 二十日

六月

且月 焦月 爾雅六月為且按且月或云一作焦月



六月盛熱故曰焦

精陽 梁元帝纂要六月為精陽

清暑日 道書六月六日為清暑日宜修清暑齋初六日

觀蓮節 緝柳編六月二十四日謂之觀蓮節二十四日

火節 譚叢演省風俗六月二十八日各家束葦為藁

樹置門首遇夜炳燎其光燭天又用生肉切膾調以

醯蒜不加烹飪名曰剝生總曰火節二十八日

三旬 初學記三伏曹植謂之三旬三伏

秋

白藏 爾雅秋為白藏為收成註氣白而收藏

陰中 漢書律歷志秋為陰中五月十三日古人謂之

金商 舊唐書節應金商

素商 高商 素節 商節 梁元帝纂要秋曰素商

高商節曰素節商節

金素 謝靈運詩理棹變金素註金行西方其色白故

云金素

蕭辰 殷仲文詩哲匠感蕭辰註蕭辰秋辰也

爽節 虞世南賦感三秋之爽節

金天 陳子昂詩金天方肅殺

素序 駱賓王啟商秋應節素序戒時

次寥天 趙嘏詩把詩吟向次寥天按宋玉九辯次寥

兮天高而氣清蓋言秋也



金韃序 宋人秋日啟金韃秩序玉宇專涼按韃與摯

八同入

旻序 李端八月奉教詩清樽對旻序

蕭序 石瑤秋夜詩蟋蟀入牀下蕭序已載陰

魚龍夜 元好問詩疎星淡月魚龍夜按埤雅魚龍以

秋為夜

七月

相月 爾雅七月為相

蘭月 提要錄七月為蘭月

肇秋 蘭秋 涼月 梁元帝纂要七月曰首秋初秋

上秋肇秋蘭秋涼月

瓜時 左傳齊侯使連稱管至父戍葵邱瓜時而往及

瓜而代齊世家註瓜時七月及瓜謂後年瓜時

良日 風土記七月七日為良日 以下初七日

雙蓮節 瑯嬛記陳豐於七月七日以青蓮子十枚寄

葛勃勃啗未竟墜一子於盆水中有喜鵲過惡汗其

上勃棄之明早有並蒂花開於水面勃即書其異以

大報豐自此鄉人改雙星節為雙蓮節

道德臘 道書道家以七月七日為道德臘

綺節 淵鑑類函七夕乃羅織之節謂之綺節

星期 王勃七夕賦佇靈匹於星期

仙期 李嶠詩仙期七夕過



八夕 宋史王居安少時七月八日劉孝韞過其家塾使賦八夕詩援筆成之有思致初八日

中元節 西湖遊覽志七月十五日為中元節俗傳地官赦罪之辰以下十五日

大慶月 修行記七月中元乃大慶之月

八月

壯月 爾雅八月為壯

桂月 提要錄八月為桂月

仲商 梁元帝纂要八月曰仲商

竹小春 筍譜竹八月謂之小春熱欲去寒欲來氣至而涼故曰小春

六神日 風俗通八月朔為六神日以露調朱砂蘸小指點去百病以下初一

天醫節 潛居錄八月朔取樹葉露和辰砂研之點身上消百病謂之天醫節

元成節 宋史徽宗政和三年以八月九日青華帝君生辰為元成節初九日

月夕 提要錄八月十五日為月夕以下十五日

秋三五 曹松中秋對月詩無雲世界秋三五共看蟾盤上海涯

亥月 爾雅九月為亥註國語云至于亥月是也



菊月 提要錄九月為菊月  
暮商 季商 杪秋 梁元帝纂要九月曰暮商季商亦曰杪秋

窮秋 鮑照白紵曲窮秋九月荷葉黃北風驅雁天雨霜

霜序 宋之問詩秋橋迎霜序

青女月 杜審言九日宴江陰詩降霜青女月送酒白衣人

朽月 黃仁傑夔州苦雨詩九月不虛為朽月

天壽節 金史九月一日為天壽節 初一日

重明節 宋史光宗以九月四日為重明節 初四日

必里遲離 遼史九日契丹國王射罷登高飲菊花酒

呼此節為必里遲離漢譯云九月九日也 以下初九日

重九 陶潛詩序余閒居愛重九之名秋菊盈園而持

醪靡由

息日 搜神記有丁新婦者其姑嚴酷不可堪九月九日自經死江南人是日不作事謂之息日又太平廣

記丁氏九月七日縊死

女兒節 帝京景物畧九月九日父母家必迎女歸寧

食花糕亦曰女兒節又宛署記燕都自五月一日至

五日亦是如此名女兒節

九九辰 全唐詩話中宗臨渭亭登高薛稷得歷字韻



云願陪九九辰長奉千千歷

落帽辰 歲華紀麗授衣之月落帽之辰

菊花節 王維重陽應制詩無窮菊花節常奉栢梁篇

又麴瞻九日應制詩獻觴乘菊序

小重陽 輦下歲時記都城重九後一日宴賞號小重

陽 初十日

冬

元英 爾雅冬為元英為安寧註氣黑而清英

嚴節 梁元帝纂要冬曰元冬節曰嚴節

元序 許敬宗守歲詩玉珩移元序

十月

良月 左傳公父定叔出奔衛三年而復之曰不可使

公叔無後於鄭使以十月入曰良月也就盈數焉

陽月 爾雅十月為陽西京雜記十月純陰疑於無陽

故謂之陽月又謂之正陰月

小春月 初學記十月天時和暖似春故曰小春之月

上冬 梁元帝纂要十月曰上冬

開冬 顏延之田收詩開冬眷徂物註開冬十月也

民歲臘 道書道家以十月一日為民歲臘十二月正

臘日為王侯臘 初一日

龍聚日 道經十月三日四海龍王奏水府為龍聚日

初三日



下元節 西湖遊覽志十月十五日為下元節俗傳水

官解厄之辰 十五日

霑日 通書十月二十日為霑日中州以驗馬畜 二十日

十一月

暢月 禮記仲冬之月命之曰暢月

辜月 爾雅十一月為辜

龍潛月 抱朴子十一月為龍潛之月

天應節 宋史徽宗政和三年十一月六日祀上帝於

園邱太師奏天神降格等以是日為天應節 初六日

冬住 老學菴筆記陳師錫家謂冬至前一日為冬住

與歲除夜為對所謂冬住者冬除也 以下冬至前一日

小至 小冬日 正字通冬至前一日為小至唐會要

冬至日祀園邱遂用小冬日視朝註小冬日即小至

也

南至 左傳日南至註今十一月冬至之日又于尹躬

有南至日登臺書雲物詩 以下冬至

升辰 春秋考異記升辰謂冬至也

亞歲 山堂肆考冬至日君受萬國朝賀其儀亞於歲

朝故以冬至日為亞歲

飯節 武林舊事冬至都人最重罷市三日垂簾飲博

謂之飯節

肥冬 豹隱紀談吳門風俗多重至節謂之肥冬互送



節物

一陽節 曹植表一陽佳節復卦正義冬至一陽生

十二月

冰月 詩誕寘之寒冰疏姜嫄以元鳥至日而禋祀在母十月而生稷正當冰月故得棄之冰也

蜡月 周禮以正齒位疏黨正行正齒位之禮在十二月建亥之月為之非蜡祭之禮而此云國索鬼神而祭祀者以其正齒位禮在蜡月故言之以為節耳按周十二月建亥則蜡在今十月矣然蜡與臘同日異祭自漢以後臘皆在建丑之月蜡亦應指今十二月也

涂月 爾雅十二月為涂

臘月 唐書歷志十二月為臘月

嚴月 山堂肆考嚴月季冬之月也

除月 杪冬 窮稔 窮紀 梁元帝纂要十二月曰

除月杪冬窮稔窮紀

汎月 丹鉛錄汎音讀為怕平聲

星回節 太平廣記南詔以十二月為星回節又玉谿

篇以十二月十六日為星回節曰大勳對曰回應

愁苦節 鮑照詩北風十二月雪下如亂巾實是愁苦

節惆悵憶情親

窮節 席夔賦冬實窮節



臘日 荆楚歲時記十二月八日為臘日按魏臺訪議

漢以戌臘魏以丑臘是臘非定以八日也以下初八日

嘉平 史記秦始皇三十一年十二月更名臘曰嘉平

又禮傳夏曰嘉平殷曰清祀周曰大蜡漢改曰臘

菟齏 風俗通臘又曰菟齏俗說臘正祖食得菟齏者

名之曰幸賞以寒酒幸善吉祥令人吉利也

初歲 史記天官書臘之明日曰初歲以下臘次日

小歲 四民月令臘明日為小歲進酒尊長修刺賀君

百福日 道經十二月十二日太素三元君朝真謂之

百福日十二日

天竺臘 西域諸國志天竺國以十二月十六日為臘

日十六日

交年日 宣府鎮志十二月二十四日北人名為交年

東京夢華錄都人於交年日以杯酒供寵門謂之醉

司命二十四日

年

歲 祀 載 爾雅夏曰歲商曰祀周曰年唐虞曰載

一行 異聞錄三月為一時兩時為一行兩行為一年

年半

旬歲 前漢翟方進傳旬歲免兩司隸註師古曰旬歲

猶言滿歲也以下一年

廿



周星 山堂肆考天道周星謂一年也

一火 廣東通志古人一年四時改火今瓊州西鄉人

謂一年為一火火音微東鄉人謂一年為喜或謂之

化乃喜之變音

一白 傳燈錄我山林間已經九白按梵言一年為一

白

游歲 文選中產闕游歲之貲註游歲再歲也 兩年

一紀 書既歷三紀傳十二年為一紀 以下十二年

一終 左傳十二年矣是謂一終一星終也

一章 左傳日南至註步歷以十九年為一章 十九年

一世 朱子集註三十年為一世 三十年

月

畢 橘 修 一 圍 厲 則 室 塞 終 極 爾

雅月在甲曰畢在乙曰橘在丙曰修在丁曰圍在戊

曰厲在己曰則在庚曰室在辛曰塞在壬曰終在癸

曰極

非常月 公羊傳閏月矣何以謂之天無是月非常月

也 閏月

斷屠月 齋素月 唐朝新格正月五月九月不行刑

謂之斷屠月又清波雜志謂之齋素月 以下正

無羊月 山堂肆考正五九三箇月謂之灾月官員例

減祿料無羊故謂之無羊月



旬月 表異錄揚雄疏近不過旬月之役謂滿月也車  
千秋旬月取宰相又謂十閱月也 滿月  
徙月 禮記祥而編是月禫徙月樂按踰月曰徙 踰月

日

疇昔 左傳疇昔之羊子為政註疇昔猶前日也 以下  
日者 史記高帝紀日者荆王兼有其地註日者猶往  
日也又日者傳註卜筮者通稱

翼日 書越翼日戊午註翼明也 以下明日

厥明 周禮鄉大夫厥明獻賢能之書于王註厥其也  
其賓之明日也

初吉 詩二月初吉註初吉朔日也 以下朔日

月吉 周禮正月之吉始和註謂朔日又論語謂之吉

月

死霸 表異錄漢志死霸朔也霸音魄

旁死魄 哉生明 正字通書武成惟一月壬辰旁死

魄註二日為旁死魄三日為哉生明望後為既生魄

魄通作霸 初二三日

生霸 表異錄生霸望也 以下望日

三五 禮記三五而盈三五而闕按三五謂十五日也

提月 公羊傳提月六鷁退飛過宋都註提月邊也謂

是月之幾盡也即晦日也 以下晦日

大盡 小盡 歲華紀麗三十日為大盡二十九日為



小盡

隻日 唐書穆宗紀唐制天子以隻日視朝按隻日單

日也 單日

兼辰 文選下貧無兼辰之業註兼辰兩日也 兩日

上九 中九 下九 採蘭雜志九為陽數古人以二

十九日為上九初九日為中九十九日為下九 以下分日

諸

上澣 中澣 下澣 丹鉛錄俗以上澣中澣下澣為

三澣蓋本唐制十日一休沐而今猶襲之也

十齋日 六齋日 聞見錄今人以月一日八日十四

十五十八二十三二十四二十八二十九三十日為

之十齋又提謂經六齋日用月八日十四日十五日

二十三日二十九日三十日

八王日 提謂經八王日亦名八節日謂立春春分立

夏至立秋秋分立冬冬至

剛日 柔日 禮記註甲丙戊庚壬為剛日乙丁己辛

癸為柔日 以下支干分日

疾日 左傳辰在子卯謂之疾日註紂以甲子日喪桀

以巳卯日亡故謂之疾日

反支日 後漢書公車以反支日不受章奏註凡反支

日用月朔為正戌亥朔一日申酉朔二日午未朔三

日辰巳朔四日寅卯朔五日子丑朔六日見陰陽書



歸忌日 後漢郭躬傳還觸歸忌則寄宿鄉亭註陰陽書歷法曰歸忌日四孟在丑四仲在寅四季在子其

日不可遠歸 八魁 後漢書八魁上帝開塞之將也註歷法春三月巳巳丁丑夏三月甲申壬辰秋三月巳亥丁未冬三

月甲寅壬戌為八魁 澹辰 澹日 山堂肆考自子至亥周匝十二辰謂之

澹辰自甲至癸周徧十日謂之澹日 忌日 詩話今人家社日閨房停針線不作組紉謂之

忌日 社日 時

昧旦 昧爽 黎旦 遲明 昉爽 山堂肆考詩曰

昧旦書曰昧爽皆天欲明未明時也又曰黎旦又曰 黎明史記謂之遲明漢書謂之昉爽 以下明旦

昉昕 大昕 班固幽通賦昉昕寤而仰思兮註昉昕 晨旦明也又禮記謂之大昕

詰朝 左傳詰朝相見註詰朝平旦 破午 鐵網珊瑚破午日正午也 以下日中

亭午 孫綽遊天台賦羲和亭午註亭至也午謂日 中也

卓午 李白詩頭戴笠子日卓午 日肝 左傳日肝不名註肝昃也 以下日昃



下稷 穀梁傳戊午日下稷乃克葬註稷是也下稷哺時

高春 淮南子日至淵隅曰高春哺時至連石曰下春哺後按玉篇哺申時也

纒黃 楚辭與纒黃而為期註纒黃黃昏時也或作曛黃 以下日夕

晡夕 宋玉神女賦晡夕之後註晡夕晚夕也 依夕 水經注武昌記曰樊口南有一大姥廟孫權常

獵于山下依夕見一姥問權獵何所得曰止得一豹 母曰何不豎豹尾忽然不見鍾惺云依夕傍晚也

熏夕 趙壹傳羊陟遂與言談至熏夕極歡而去

一昔 昔昔 左傳為一昔之期註一昔一夜也又列

子昔昔夢為國君註猶夜夜也 以下夜 一日冬 真德秀夜氣箴冬為四時之夜而夜乃一日

之冬 五夜 山堂肆考漏刻之法甲乙丙丁戊謂之五夜即

五更也 五更 甲夜 乙夜 杜陽雜編文宗謂左右曰若不甲夜視

事乙夜觀書何以為人君耶按初更曰甲夜二更曰 乙夜 一二更

夜分 宵分 後漢光武紀講論經理夜分乃寐註分 猶半也又崔楷疏日昃忘餐宵分廢寢 以下夜半



午夜 山堂肆考夜半曰午夜

戊夜 梁元帝紀高祖少而篤學雖萬幾多務猶卷不

輟手燃燭側光常至戊夜按山堂肆考之說則戊夜

為五更矣 以下夜深

良夜 後漢祭遵傳帝達遵營勞饗士卒作黃門舞樂

良夜乃罷註良猶深也或作久

夜闌 蔡琰胡笳十八拍更深夜闌兮夢汝來斯

蝦蟇更 豹隱紀談楊誠齋詩天上歸來有六更蓋內

樓五更絕梨鼓交作謂之蝦蟇更禁門方開百官隨

入所謂六更也外方謂之攢點又事物紀原夜行擊

柝代更籌曰蝦蟇更 六更

干支

歲陽 歲陰 史記歷書歲陽者十干是也歲陰者十

二支是也

闕逢 旃蒙 柔兆 強圉 著雍 屠維 上章

重光 元默 昭陽 爾雅太歲在甲曰闕逢在乙曰

旃蒙在丙曰柔兆在丁曰強圉在戊曰著雍在己曰

屠維在庚曰上章在辛曰重光在壬曰元默在癸曰

昭陽

商橫 史記歷書商橫浞灘三年註索隱曰商橫庚也

爾雅作上章 庚子

攝提格 單闕 執徐 大荒落 敦牂 協洽 涖

攝提格 單闕 執徐 大荒落 敦牂 協洽 涖



灘 作噩 闔茂 大淵獻 困敦 赤奮若 爾雅

太歲在寅曰攝提格在卯曰單闕在辰曰執徐在巳

曰大荒落在午曰敦牂在未曰協洽在申曰涒灘在

酉曰作噩在戌曰闔茂在亥曰大淵獻在子曰困敦

在丑曰赤奮若 十二支

渾天儀

金儀 薛逢啟金儀應律按金儀即銅儀所謂渾天儀

也又名銅渾天儀



事物異名錄卷三

慈谿 厲靜菴先生荃 原輯

仁和 關晉軒先生槐 增纂

坤輿部

地

坤元 易至哉坤元萬物資生

禹蹟 左傳芒芒禹蹟畫為九州

富媪 漢書禮樂志后土富媪註張晏曰媪老母稱也

大坤為母故稱媪又媪神蕃釐註媪神地也

大塊 列子地積塊也故名大塊

方州 淮南子女媧氏背方州抱圓天註方州地也



大方 淮南子能戴大員者履大方

坤后 抱朴子坤后貴於安貞

大矩 呂氏春秋大矩在下註大矩地也

萬物母 春秋繁露地明其理為萬物母

神州 物理論地名之曰神州

下矩 陸倕石闕銘製模下矩註下矩地也

柔祇 謝莊月賦柔祇雪凝註柔祇地也

順祇 江淹知己賦順祇効寶瀆靈會昌

黃祇 張慶餘祀后土賦肅黃祇之神位

黃輿 唐祭神樂章黃輿厚載

方載 孔穎達禮記序下參方載



坤靈 揚雄司空箴普彼坤靈侔天作則

方輿 束皙補亡詩漫漫方輿註方輿地也

方儀 盧諶詩悠悠方儀廓註天地曰兩儀故地曰方

儀也

坤儀 劉琨詩坤儀舟覆

山

翠微 爾雅山未及上翠微疏謂未及頂上在旁坡陀

之處名翠微一說山氣青縹色故曰翠微也

長坡 丹鉛錄滇南稱山曰長坡

玉筍 瑤簫 謝華啟秀玉筍瑤簫皆山也

翠屏 孫綽天台山賦搏壁立之翠屏



丹梯 謝朓詩卽此陵丹梯註丹梯謂山也

青雲梯 謝靈運登石門最高頂詩共登青雲梯

碧玉簪 韓愈詩山爲碧玉簪

青螺髻 蘇軾詩佛國青螺髻按謂山也

孱顏 蘇軾詩攝衣步孱顏按孱顏卽巉巖謂山也

烟螺山 范成大詩萬疊烟螺紫翠浮

烟鬟 蘇軾詩落日銜翠壁暮雲點烟鬟

野屏 張養浩詩山展野屏隨地遠

星牖 月窓 廣韻藻凡山洞巖穴有竅通明小曰星

牖大曰月窓 山穴

嶽

淑明 景明 肅明 靖明 正明 宋史禮志太平

興國八年加上五嶽帝號東曰淑明南曰景明西曰

肅明北曰靖明中曰正明 以下五嶽

天齊王 司天王 金天王 安天王 中天王 山

堂肆考唐元宗封東嶽爲天齊王南嶽爲司天王西

嶽爲金天王北嶽爲安天王中嶽爲中天王

介邱 漢書司馬相如傳蓋周躍魚隕杭休之以燎徽

夫斯之爲符也以登介邱不亦慙乎註服虔曰介大

也邱山也言周以白魚爲瑞登泰山封禪不亦慙乎

以下

岱宗 風俗通泰山一曰岱宗岱始也宗長也萬物之



始陰陽交代故為五嶽長

天孫 博物志泰山一曰天孫言為天帝孫也又織女星亦名天孫

蓬元太空洞天 洞淵集泰山名蓬元太空洞天

霍山 爾雅霍山為南嶽疏衡山一名霍山漢武帝移

嶽神於天柱因名天柱為霍又霍山亦為中鎮以下衡山

岫嶠 山海經衡山谷名岫嶠

芝岡 丹鉛錄衡山一名芝岡

朱陵靈臺 太虛寶洞 山堂肆考南嶽者朱陵靈臺

太虛寶洞又洞淵集衡山名朱陵太虛洞天

火維 韓愈詩火維地荒足妖怪註衡嶽南方火故謂

之火維

壽岳 釋齊己詩壯堪扶壽岳按壽岳謂衡山也

敦物山 水經注華山古之敦物山也 以下華山

少昊下都 蓐收別館 張說太華山碑銘諒少昊之

下都即蓐收之別館

太極總仙洞天 洞淵集華山名太極總仙洞天

常山 爾雅常山謂之恒山白虎通陰終陽始其道常

久故曰常山 以下恒山

鎮嶽 舊唐書穆宗紀元和十五年改恒嶽為鎮嶽

元岳 水經恒山謂之元岳

蘭臺府 列女宮 華陽臺 紫微宮 太乙宮 大

華陽臺

紫微宮

太乙宮

大



茂山 括地志北嶽有五別名一曰蘭臺府二曰列女  
宮三曰華陽臺四曰紫微宮五曰太乙宮或曰大茂  
山

黑帝宮館 元神都府 張嘉貞恒山碑銘其頂上抉  
乾門黑帝之宮館其足下擦坤軸元神之都府

太乙總元洞天 洞淵集恒山名太乙總元洞天

崇高 漢書武帝紀親登嵩高聞呼萬歲者三合祠官  
加贈太室祠以山下戶三百為之奉邑名曰崇高

嵩山

神嶽 舊唐書禮儀志則天證聖元年下制號嵩山為  
神嶽

外方山 郡國志禹貢熊耳外方鄭元云外方山即嵩

也

太室 少室 括地志太室少室皆嵩高山名又郡國

志少室一名負黍山

上帝司真洞天 洞淵集嵩山名上帝司真洞天

萬歲山 杜牧詩君王謙讓泥金事蒼翠空高萬歲山

按謂嵩嶽也又輟耕錄大內太液池之陽有萬歲山

金人名瓊花島

鎮

東安公 永興公 成德公 廣寧公 應聖公 山

堂肆考唐元宗封東鎮沂山為東安公南鎮會稽山



為永興公西鎮吳山為成德公北鎮醫無間山為廣寧公中鎮霍山為應聖公 五鎮

茅山 苗山 吳越春秋禹登茅山以朝羣臣乃大會稽更名茅山為會稽亦曰苗山 以下會稽山

防山 棟山 水經注會稽山古防山也又曰棟山越絕書云棟猶鎮也

覆繡山 通志會稽山有石狀如覆繡亦謂之覆繡山無嶽 爾雅河西嶽疏吳嶽者在西河之西一名無嶽

以下吳嶽 岍山 書導岍註地志扶風岍縣西吳山古文以為岍山今隴州吳山縣吳嶽山也

於微閭 屈原遠遊註於微閭即醫無閭也 以下醫無閭山

六山 山堂肆考醫無閭山在遼東廣寧衛西其山掩抱六重又名六山

太岳 禹貢蔡傳霍山地志謂霍太山即太岳在霍邑 霍山

樂遊山 北史魏景穆帝紀登碣石山觀滄海大饗羣臣於山上改碣石山為樂遊山 碣石山

不成山 統志長白山橫亘千里巔有潭南流為鴨綠江北流為混同江通志山海經作不成

山唐書作太白山又水經注太一山亦名太白山濟



南長山縣西南亦有長白山泰山之副嶽也古名肅然山長白山

蔣山紫金山山堂肆考鍾山舊名金陵山漢蔣子文戰亡於此吳大帝為立祠因改山曰蔣山晉又改

曰紫金鍾山南史隱逸傳陶宏景止於句容之句曲山恒

曰此山下是第八洞宮名金陵華陽之天昔漢有咸陽三茅君得道來掌此山故謂之茅山茅山

武邱海湧山吳地記虎邱山避唐太祖諱改為武邱又名海湧山虎邱山

包山吳地記洞庭湖中有包山石穴即十大洞天之

第九林屋洞天也山堂肆考洞庭山在蘇州府西洞庭湖中堯女湘君常遊此故一名君山按堯女所遊乃巴陵之洞庭非吳郡之洞庭也則此當以陸記為是洞庭山

九龍山慧山記慧山于錫諸山最大其脉宛轉從天目而來至是峯九起故又曰九龍山慧山

浮玉山山堂肆考金山初名浮玉唐裴頭陀于此開山得金表聞賜名金山金山

豨山小華山新安志黃山舊名豨山在歙縣西北世傳黃帝命駕與容成子浮邱公同遊合丹於此故有浮邱容成之峯唐天寶六年勅改為黃山西北山



勢中坻望之類太華故自前世亦名為小華山黃山

翠螺山太平府志采石山在府西北一名翠螺山石

淝陵山十道山川考八公山一名淝陵山在壽州壽

春縣八公山

南障山郡國志廬山古名南障山廬山

胥山閩窓括異志杭州吳山一名胥山又嘉興亦有

稽留山水經注靈隱山有石室三所昔有道士長往

不歸或因以稽留為山號以下靈隱山

武林山仙居通志武林山即靈隱山亦曰靈苑曰

仙居俗稱西山行夷山

大辟山晉書隱逸傳郭文舉步擔入吳興餘杭大辟

山中通志大滌舊名大辟大滌山

梅岑山堂肆考補陀洛迦山一名梅岑在寧波定海

戒珠山補陀山

鹿胎山續晉陽秋戴逵以琴書自娛隱會稽剡山國

子博士徵不就府志剡山一名鹿胎山剡山

桐栢山十道山川考天台山亦曰桐栢山

赤城山韻府羣玉坡詩遂為赤城遊天台山名狀如



雲霞按桐柏赤城別有二山以與天台相接故遂名天台也

馬鞍山東陽金華山柄志金華山古馬鞍山也又姑蘇崑山亦名馬鞍山金華山

石橋山方輿勝覽爛柯一名石室又名石橋山在西

安乃青霞第八洞天爛柯山

嚴陵山山堂肆考富春山在嚴州府桐廬縣西一名

嚴陵山富春山

少微山一統志少微山在處州府城東郡應少微星

故名即大括蒼也括蒼山

幔亭山表異錄武夷山一名幔亭武夷山

甌山翼際魯山十道山川考薛氏曰大別山在

漢陽軍亦曰甌山漢陽府志一名翼際一名魯山舊

有魯肅祠又汝州亦有魯山大別山

章山書內方至于大別註地志章山古文以為內方

山在江夏郡竟陵縣東北內方山

蘇嶺山襄陽記鹿門山舊名蘇嶺山鹿門山

仙室山山堂肆考襄陽府均州南有武當山初名仙

室山真武奉元君遊覽至此後人謂非元武不足以

當此山改名武當以下武當山

太和山參上山水經注武當山曰太和山亦曰

參上山



謝羅山 山元嶽 荆州圖記謝允舍羅邑宰隱遁于武當山故亦名謝羅山副記明嘉靖賜名元嶽

參嶺 丹鉛錄武當山一名參嶺

赤鼻山 黃州府志赤壁山水經謂之赤鼻山蘇軾遊此作前後二賦 赤壁山

橫尾山 書熊耳外方桐柎至于陪尾註安陸縣東北

有橫尾山古文以為陪尾 陪尾山

胎簪 丹鉛錄大復山一名胎簪 大復山

湘山 君山志君山一名湘山按山在岳州洞庭湖中

亦名洞庭山山堂肆考即以蘇州之洞庭山為君山

誤矣又常州府江陰縣亦有君山一名瞰江山 以下君山

媧宮 丹鉛總錄君山一名媧宮

小蓬瀛 岳陽風土記滕子京樂府君山自是小蓬瀛

大驪山 水經淇水出河南密縣大驪山注大驪即具

茨山也 具茨山

黎陽山 國語商之興也檇杙次於丕山註大伾山在

河東按今衛輝府濬縣東亦名黎陽山 大伾山

五行山 淮南子武王欲築宮於五行之山註五行山

今太行山也 以下太行山

王母山 女媧山 十道山川考太行山為天下之脊

一名王母一名女媧

許由山 史記伯夷傳太史公曰余登箕山其上蓋有



許由冢云註亦名許由山 箕山

嶽岑山 括地志嶠山又名嶽岑山即古之嶠道也嶠山

三門山 陝州志砥柱山一名三門山山有三門禹鑿

以通河 砥柱山

金輿山 左傳三周華不注濟南府志在府東北一名

金輿山 華不注山

甲山 祝其山南通志淄川志云縣西南甲山本名祝

其山上為夾谷臺金史志云淄川縣有夾谷山指此

也 夾谷山

尤來山 元和郡國志徂來亦曰尤來山在兗州乾封

縣 徂徠山

鄒山 十道山川考嶧山一名鄒山在兗州鄒縣南山

馬陵山 山堂肆考馬陵山在兗州鄒城即古琅琊山

也按今馬陵山在沂州琅琊山在青州謂馬陵即古

琅琊豈以沂州古屬琅琊郡故山亦得名琅琊與

山 琅琊山

紫府山 一清涼山寰宇記五臺山道經以為紫府山

內經以為清涼山 五臺山

平山 壺口山元和郡國志平山一名壺口山今名

姑射山在晉州臨汾縣西 姑射山

首陽山 晉書地理志蒲坂有雷首山夷齊居其陽所

謂首陽山是也又首陽山一名西山 以下雷首山



獨頭山 水經注雷首山一名獨頭山夷齊所隱也

甘棗山 山海經甘棗之山共水出焉註甘棗山即雷

首山

中條山 歷山 史記五帝紀註蒲州河東縣雷首山

一名中條山亦名歷山此山西起雷首山東至吳坂

凡十一名隨州縣分之又滄州亦有中條山唐陽城

隱居於此濟南府亦有歷山又名千佛山

呂梁山 書治梁及岐註梁山呂梁山也在今石州離

石縣東北 梁山

太乙山 五經要義終南山長安南山也一名太乙又

太乙或作太一或作太壹一名太白山 以下終南山

終隆山 淮南子孟門終隆之山註終隆終南也

中南山 關中記終南一名中南言在天之中居都之

南故曰中南

周南山 水橋山 括地志終南山一名周南一名地肺

一名橋山

秦嶺 班固西都賦晞秦嶺城北阜註秦嶺南山也又

藍田別有秦嶺起商洛盡汧隴即昌黎詩所謂雲橫

天秦嶺家何在是也

藍田山 會昌山 昭應山 長安志驪山在縣東南

即藍田山也天寶元年更驪山曰會昌山七載又改

曰昭應山按驪山在今臨潼縣藍田山在藍田縣二



山似別藍田山一名玉山 驪山

地肺山 楚山 地理通釋商山亦名地肺山亦名楚

山四皓所隱 商山

天柱山 鳳皇堆 太平御覽岐山一名天柱山文王

時鳳鳴入呼為鳳皇堆 以下岐山

箭括嶺 韻會岐山其山兩岐俗呼箭括嶺

分水嶺 水經注漢中記曰嶓冢以東水皆東流嶓冢

以西水皆西流故俗以嶓冢為分水嶺又今建寧府

崇安縣亦有分水嶺秦州清水縣小隴山亦名分水

嶺 嶓冢山

青雀山 書終南惇物至于鳥鼠註鳥鼠地志在隴西

郡首陽縣西南今渭州渭源縣西也俗呼為青雀山

以下鳥鼠山

高武隴 隋書豆盧勣傳鳥鼠山俗呼為高武隴

唐述山 十道山川考積石山一在河州抱罕縣一名

唐述山 積石山

笄頭山 雞頭山 史記五帝紀黃帝西至于空桐登

雞頭註括地志云笄頭山一名崆峒山在原州平陽

西百里禹貢涇水所出輿地志云或即雞頭山也鄭

元云蓋大隴山異名也按崆峒山有五一在今蘄州

一名翁同一在今汝州一在今肅州一在今岷州此

則其在平涼者也皆傳有黃帝之事 崆峒山



白巖山 十道山川考朱圉山俗呼白巖山按卽禹貢朱圉山也或作白崖山 朱圉山

天山 北邊備對天山卽祁連山也又名時漫羅山又名祁漫羅山蓋虜語祁連時漫羅祁漫羅皆天也

盧山 竄顏 丹鉛錄匈奴中有天山又名盧山又名竄顏又名祁連非有二也

悶磨黎山 書註唐長慶中薛元鼎使吐蕃自隴西成紀縣西南出塞二千餘里得河源于莫賀延積尾曰悶磨黎山其山中高四下所謂崑崙也 以下崑崙山無熱邱 水經注崑崙爲無熱邱

阿耨山 須彌山 拾遺記竺乾書阿耨山卽崑崙山也一名須彌山在于闐國西

崑崙 十洲記崑崙號曰崑崙 崑崙 丹鉛總錄崑崙山一名崑崙

玉巒 山堂肆考玉巒崑崙山也 雪山 一統志崑崙山峻極經夏積雪不消世呼雪山

板松 闐風 天庭 水經注崑崙山有三級下有樊桐一名板松二曰元圃一名闐風上曰增城一名天庭

西強山 十道山川考西傾山在洮州復名西強山 西傾



五岳丈人 赤城 天谷 寰宇記青城山玉匱經曰  
黃帝封為五岳丈人一名赤城一名天谷又天台山  
亦名赤城 青城山

瀆山 郊祀志瀆山蜀之岷山也 岷山

康山 戴天山 通志大匡山一名大康又名戴天吳  
曾漫錄云李白嘗讀書於大小康山杜甫寄白詩康  
山讀書處頭白早歸來又白集有訪戴天山道士不  
遇詩 匡山

梅嶺 舊唐書大庾嶺屬韶州一名梅嶺 大庾嶺

藤山 松林山 儋州志儋耳山一名藤山一名松林  
山為儋州主山 儋耳山

方壺 巒雉 蓬壺 防邱 雲來 瀛壺 魏州

環洲 拾遺記海中三山一曰方壺即方丈二曰蓬壺

即蓬萊三曰瀛壺即瀛洲此三山形如壺方丈亦名

巒雉蓬萊亦名防邱一曰雲來瀛壺亦名魏州一曰

環洲 海中三山

環邱 拾遺記員嶠山一名環邱又述異記作還邱 員嶠

山 員嶠

部婁 左傳部婁無松栢按部婁即培塿小阜也

虛牝 表異錄大戴禮谿谷為牝古詩云哀壑叩虛牝

虛牝 表異錄大戴禮谿谷為牝古詩云哀壑叩虛牝



水

清滌元酒 禮記水曰清滌又元酒在堂註元酒水

也

冷澤韻會吳人謂水曰冷澤

霸盧氏雜記關中下俚人言音謂水為霸

碧氏清異錄王彪臨池賦云碧氏方澄宅龜魚而蕩

漾

清瑤竹坡詩話淵明讀山海經云落落清瑤流清瑤

謂水也

河車黃庭經北方正氣名河車註河車是水曰葢

阿迦

翻譯名義阿迦此云水

葢

輿州

天網木華海賦天網淳滴註天網言水為天之網紀

青羅帶韓愈詩水作青羅帶

地鏡韓愈詩地鏡時昏曉按地鏡謂水也

壬公蘇軾詩壬公飛空丁女藏按壬公謂水也

至柔物姚合買太湖石詩水稱至柔物湖乃生壯波

解凍水白蘋水 桃花水 瓜蔓水 麥黃水 山

礬水荳花水 荻苗水 霜降水 復槽水 走凌

水蹙凌水 表異錄正月解凍水二月白蘋水三月

桃花水四月瓜蔓水五月麥黃水六月山礬水七月

荳花水八月荻苗水九月霜降水十月復槽水十一

月走凌水十二月蹙凌水每月水名



方諸水 食物本草明水名方諸水方諸大蚌也向月

取之得水二三合 明水

上池水 天河水 食物本草雨水一名上池水又名

天河水 雨水

神水 食物本草立春清明二節貯水謂之神水 立春

雨水

瀆

廣源公 長源公 靈源公 清源公 山堂肆考唐

元宗封江為廣源公淮為長源公河為靈源公濟為

清源公 江淮河濟

汶江 一統志岷江四瀆之一俗名汶江源出岷山又

瀘江亦名汶江 以下岷江

洪渚 王粲詩臨此洪渚伊思梁岷註洪渚大江也按

河渠書註大江一名汶江一名清江秦昭王使李冰

為蜀守開成都縣兩江溉田萬頃其源皆出岷山即

所謂蜀江也

獠江 韓愈征蜀聯句獠江息澎汎註獠江蜀江也

玻黎江 眉州志玻黎江在蟆頤山下即岷江也

蟆頤津

成都江 成都府志郫江在郫縣北亦名成都江 以下

涪江 渝水 初學記郫江亦曰涪江亦曰渝水

字江 山堂肆考四川保寧府有巴江勢若巴字又名



字江 以下巴江

內江 杜甫詩百丈內江船註自渝上合州者謂之內

江按卽巴江也

西漢水 閬中水 閬江 渝水 南津河 保寧府

志嘉陵江在府西南源出陝西鳳縣嘉陵谷自蒼溪

流入又東南入南部界卽漾水也一名西漢水又名

閬中水亦曰閬江亦曰渝水又名南津河又巴縣亦

有渝水 嘉陵江

粟末河 契丹國志混同江本粟末河太宗破晉改名

混同江 以下混同江

黑龍江 金史世紀女直地有混同江長白山混同江

亦號黑龍江所謂白山黑水是也

松阿里江 鴨子河 松花江 通志混同江卽松阿

里也一名鴨子河一名松花江

笠澤 笠澤叢書序笠澤松江之名 以下松江

松陵江 松陵集序松江吳之望也別名松陵江按卽

吳江也

京江 潤州志揚子江一名京江 以下揚子江

天塹 金山集段廷珪曰揚子江古號天塹

派渚 謝華啟秀潯陽江分九派故曰派渚 潯陽江

曲江 通志錢塘江在縣東南本名浙江又名曲江枚

乘七發曰觀濤於廣陵之曲江又韶州亦有曲江一



名湘江 以下錢塘江

制河 史記索隱浙江其流曲折莊子所謂制河即其水也

漸江 水經浙江謂之漸江

羅刹江 西湖志錢塘地勢險惡謂之羅刹江以羅刹石而名

孝女江 王穉登詩急雨潮平孝女江按孝女曹娥上

虞曹盱之女也盱逆濤為水所淹不得其屍娥年十四遂自投江死抱父屍出今謂曹娥江是也 曹娥江

歙江 青溪 嚴州府志新安江在府南經淳安一帶一名歙江又名青溪 新安江

溫江 慎江 蜃江 永嘉江 溫州府志甌江在府

北一名溫江舊名慎江一名蜃江一名永嘉江 甌江

晉江 泉南雜志泉州有浯江晉南渡時衣冠士族避地於此故又名晉江 浯江

廉江 合浦縣志廉江即合浦江 合浦江

始安江 金沙江 梧州府志桂江在府西北一名始

安江又名金沙江又桂林府有灘江亦名桂江姚安府亦有金沙江 桂江

鐔江 一統志藤江與繡江合東流至廣東入海亦名鐔江 以下藤江

鬱江 劔江 通志藤江一名鬱江會潯水繞城東唐



有安撫使汎舟所佩劍躍入水又名劍江又橫州月江亦名鬱江又名左江

德水 史記秦始皇本紀更名河曰德水 以下河

瀆宗 漢書地理志河為瀆宗

水伯 孝經援神契河者水伯

句驪河 柁柳河 通志遼河即句驪河也一作柁柳

河漢書水經俱作大遼水渾河名小遼水 遼河

祁夷河 澹河 周禮職方氏并州其川岸池嘔夷註

嘔夷祁夷也又大同府志今名澹河 嘔夷河

蘆溝河 渾河 小黃河 潔河 寰宇記桑乾水即

今之蘆溝河也俗呼渾河亦曰小黃河又名潔河以

大源出馬邑之桑乾山故曰桑乾河按桑乾水東南流

入蘆溝河非即蘆溝河也又承德縣亦有渾河名小

遼水 桑乾河

奢延川 銀水 林園水 延安府志無定河在清澗縣

東南入黃河一名奢延川一名銀水即園水也後人

因潰沙急流淺深不定故更令名 無定河

葉榆水 昆瀾池 瀾海 大理府志西洱河在府東

古葉榆水也一名昆瀾池又名瀾海中有三島四洲

九曲之勝 西洱河

沈水 書導沈水東流為濟入于河溢為滎註沈水濟

水也 以下濟水



旃然 開元傳信記上封泰山進次榮陽旃然河上見  
黑龍命弧矢射之矢發龍潛自爾旃然伏流按旃然  
卽濟水溢而爲榮遂名旃然

百谷王

老子海爲百谷王又說苑江海爲百川之主  
大壑 莊子大壑之爲物也注焉而不滿酌焉而不窮

按謂海也

水宗 焦氏易林海爲水宗

渤澥 說文渤澥海之別名

朝夕池 風俗通海曰朝夕池

天池 初學記海一名天池

元流 山堂肆考海曰元流

鯤壑 齊都賦鯤壑滄海

滄溟 李白鳴臯歌湧滄溟之波濤

水王 黃鎮成詩萬壑魚龍覲水王按水王謂海也

廣德公 廣利公 廣運公 廣澤公 唐會要天寶

十載封東海廣德公南海廣利公西海廣運公北海

廣澤公

岱淵 丹鉛錄東海一名岱淵

祝融江 表異錄楊誠齋招大招懷東坡詞誕置之祝

大融之汪謂南海也

鹽澤 書註蒲昌海一名鹽澤



湖

大泊湖 長安客話西湖即玉泉龍泉所緒土名大泊

湖 燕京西湖

彭蠡湖 書彭蠡既豬註彭蠡地志在豫章郡彭澤縣

東合江西江東諸水跨豫章饒州南康軍三州之地

所謂鄱陽湖者是也 鄱陽湖

宮亭湖 唐書地理志彭蠡湖黃名宮亭湖會要天寶

淮澤 揚瀾 分風湖 荆楚記宮亭湖即彭蠡湖一

名淮澤一名揚瀾有廟神甚靈能使湖中分風而帆

南北又號分風湖

明聖湖 錢塘湖 上湖 山堂肆考杭州西湖故明

聖湖也漢時金牛見湖中人言明聖之瑞遂稱明聖

湖以其界於錢塘也又稱錢塘湖以其委輸於下湖

也又稱上湖以其負郭而西也又稱西湖 以下杭州西湖

放生池 通考錢塘西湖天禧中王欽若奏請為放生

池

高士湖 樊榭集註孫太初號西湖為高士湖

銷金鍋 西湖遊幸記西湖杭人無日不遊故有銷金

鍋之號

鼎湖 仁和縣志臨平湖在縣東北臨平山下舊名鼎

湖 臨平湖

鸚鵡湖 東武湖 小瀛洲 樵李詩繫鸚鵡湖即當



湖在縣東吳地記云隆安五年改東武湖俗呼東湖  
元末於金山海濱得一碑曰鸚鵡洲界又名小瀛洲  
湖當

震澤 具區 笠澤 名勝志太湖界於烏程長興之

間禹貢謂之震澤周禮謂之具區左傳謂之笠澤又  
松江亦名笠澤以湖環遶江南數郡故也 以下太湖

五湖 三山湖 山堂肆考太湖史記國語謂之五湖

又山海經茗水北流注於具區湖中有大雷小雷三  
山亦名三山湖

鏡湖 賀監湖 輿地志山陰南湖即鑑湖也一名鏡

湖唐元宗賜秘書監賀知章鑑湖一曲又名賀監湖

鑑湖

九江 書九江孔殷註九江即今之洞庭也沅水漸水

元水辰水敘水酉水澧水資水湘水皆合於洞庭意

以是名九江也 以下洞庭湖

青草湖 巴邱湖 荆州記青草湖亦名巴邱湖亦名

洞庭湖按青草湖北連洞庭非即洞庭也又雲夢澤

天一名巴邱湖表曰盤山天淵也

溪

穀江 地理志蘭溪一名穀江或作穀水又蘄水縣亦

有蘭溪 蘭溪

百花潭 杜甫詩竹寒沙碧浣花溪註溪在成都西郭



外地名百花潭薛濤以潭水造箋

浣花溪

惡溪一統志鱷溪一名惡溪溪有鱷魚為人害韓愈

為刺史作文驅之鱷徙六十里

鱷溪

池

天藏北魏元雍奏曰鹽池天藏也

鹽池

昆明池雲南府志滇池在府西南一名昆明池又漢

書武帝穿昆明池於長安蓋欲習水戰以伐滇也

池

劍津龍津延平府志劍津在府東南一名龍津按

即延平津也昔雷煥子華持劍行經延平津劍忽躍

出墮水化為龍因名其津云云

延平津

孟津書東至于孟津註在今孟州河陽縣武王師渡

孟津即此今名富平津

富平津

諸水

長蘆水冀州志衡水在縣西北亦曰長蘆水即蜀漳

之下流

衡水

張公泉水經注涿水出涿鹿山世謂之張公泉

涿水

鸞川水經注世人謂伊水為鸞川

伊水

龜津宗楚客詩翠幕遶龜津按龜津謂洛水也

洛水

溫水韓愈詩吾黨侯生字叔起呼我持竿釣溫水

王者有盛德之應則洛水先溫故號溫洛

白水史記魏世家知伯曰汾水可以灌安邑絳水可



以灌平陽註絳水一名白水源出絳山絳水

魚龍川水經注沂水出五色魚因謂魚龍水亦謂之

魚龍川沂水

金城河蘭州府志湟水在府西一名金城河又桂陽

州亦有湟水一名桂水湟水

合黎水鮮水黑河水甘州志張掖水經合黎山

名合黎水又名鮮水俗名黑河水張掖水

五婦水水經注五婦山馳水所出一曰五婦水亦曰

潼水潼水

翼水茂州志黑水在州西北自疊溪流入即古翼水

也黑水

若水越巂郡志瀘水自鹽源縣流入又東入雲南東

川府界即古若水也又敘州有馬湖江亦名瀘水即

若水下流也瀘水

泉

黃帝泉括地志阪泉今名黃帝泉阪泉

沸泉湯泉升菴外集東坡詩記所經溫泉天下七

處以驪山為最食物本草溫泉一名沸泉一名湯泉

多作硫黃氣溫泉

瀑布

立泉班固終南山賦立泉落落註立泉謂瀑布

水簾雜俎閩中有水簾皆無聲蓋巖腰凹而水噴空



水則為水簾按水簾亦瀑布也

玉花 陳搏詠瀑布詩琉璃滑處玉花飛又雪名

水涯

溪步 青箱雜記閩中謂水涯為溪步

土

衍沃 左傳井衍沃註衍沃平美之地 以下美

魚米地 唐田澄蜀城詩地富魚為米俗名沃土為魚

米之地本此

爽塏 左傳請更諸爽塏者說文爽塏高燥之地 高地

偃豬 左傳規偃豬按偃豬下濕之地 以下下地

青戊 周牌筭經下地曰青戊

甌窶 史記滑稽傳甌窶滿篝汗邪滿車韻會甌窶狹  
小之地汗邪便側之地 狹地

淳鹵 左傳表淳鹵註塉薄之地 以下瘠土

磽陿 漢書景帝紀郡國或磽陿無所農桑註磽陿謂

磽塉瘠薄之地

石留 表異錄石留言土地多石如人之有留結也戰

國策城臯石留之地無所用之 石地

大鹵田 左傳晉有大鹵之地註地不生物也 以下不

瀉土 論衡地無毛則為瀉土

窮髮 正字通不毛之地曰窮髮

町疇 詩町疇鹿場註町疇舍旁隙地也 隙地



鬱棲 莊子車前草生鬱棲之中註鬱棲糞壤也 穢地

白善 庶物異名疏土以黃為正色白為惡色人諱之

呼為白善 白土

田

青銅海 清異錄汴老圃紀生一鉏芘三十口常呼子

孫戒曰此二十畝田便號青銅海

雄田 南越志交趾號腴田曰雄田 腴田

縵田 漢書食貨志一歲之收常過縵田畝一斛註縵

田謂不為畝者也 散田

水埒 楊慎外集田塍曰水埒 田塍

石

星質 三畧石者星質也

山體 釋名山體曰石

地骨 蠡海集石之生也或方者為地之骨也又郭

熙山水訓石者天地之骨

寵仙 清異錄桑維翰壽辰韋潛德獻太湖石一塊上

有鐫字金飾曰寵仙

盤固侯 泊宅編平江府朱勗造巨艦載太湖石一塊

至京勗遂為威遠軍節度使而封石為盤固侯

雲根 古詩黝黝布雲根註雲生於石故名石曰雲根

山骨 韓愈詩巧匠琢山骨按山骨謂石也

湖嵌 孟郊韓愈城南聯句湖嵌費攜擎按湖嵌亦謂



石也

石 淮南子玉待礪諸而成器註礪諸攻玉之石

礪礪 爾雅疏礪礪即小石也 小石

井

烏沒 雞林類事高麗方言井曰烏沒

溝

水庸 禮記祭方與水庸事也註水庸溝也

王渠 漢書哀帝為董賢治大第開門向北闕引王渠

灌園地註王渠官渠也猶今御溝 御溝

楊溝 羊溝 席上腐談古今註云御溝謂之楊溝謂

植高楊於其上也又曰羊溝謂羊善舐觸垣墻故為

溝以限之愚謂今人以溝在庭內不可見者為陰溝

在庭外可見者為陽溝按楊羊與陽同音 陽溝

匱豬 周禮註匱豬今之陰溝也 陰溝

央瀆 丹鉛錄荀子入其央瀆註中瀆也今人家出水

溝則如今稱出水竇曰央溝亦有本也 出水溝

坑

漏井 周禮註漏井今之滲坑

土空 無名子詩更着皮裘入土空註秦人呼土窟為

土空

冰



石鏡 黎民表詩含風石鏡融按石鏡謂冰也

木稼 木斤 木介 樹介 樹稼 七修類藁木冰

土者雨及木而凝冰諺云木稼也洪範五行傳謂之木

斤范氏謂之木介又唐書謂之樹介亦曰樹稼以下

霧松 墨莊漫錄冬月寒甚夜氣塞空如霧著於林木

凝結如珠玉見睨乃消齊魯人謂之霧松

凍洛 集韻凝凍洛也三蒼解詁液雨也俗曰霧松

冰筋 冰柱 撫遺唐開元冬至大雪簷溜皆為冰條

妃子使侍兒敲二枚賞玩曰冰筋也天寶遺事作玉

筋又劉又有冰柱詩即冰筋也 以下冰條

玉溜 王融阻雪詩玉溜簷下垂按謂冰條也

水晶釘 方岳雪後草亭詩一夜雪寒重整過碧琉璃

瓦水晶釘按水晶釘謂冰條也

銀筍 范成大雪霽登南樓詩雀啄空簷銀筍墮按銀

筍謂冰條也

銀竹 黃庭堅詩雪後排簷挺銀竹按銀竹亦謂冰條

又雨脚亦名銀竹

水管 司馬光雪詩四簷水管未全稀一夕陰風雪又

飛按水管即冰條也

天紳 孟郊詩簷溜垂天紳 簷溜

麻擣 孔氏雜說俗以和泥灰為麻擣出唐六典京兆



歲送麻擣二萬斤 泥灰

白堊 天堊灰 希灰 鍛石 白虎 礦灰 本草綱

目石灰一名白堊一名堊灰一名希灰一名鍛石一

名白虎一名礦灰 石灰

伏龍屎 道書竈下灰火謂之伏龍屎不可燕香事神

竈

灰

蓬塊 拔塊 博物志徐州人謂塵土為蓬塊吳人謂

拔塊

烏龍尾 烟珠 本草綱目梁上倒掛塵名烏龍尾又

名烟珠 梁上塵

沙

方空 丹鉛錄沙名方空按漢書方空紗也沙疑紗誤



